

सानसेयारि **“बड’सा”** खीरालाइयाव  
 अमजयारि जिज्जो लोब्बा थानाय रायथाय, अन्थाय,  
 अल, अल’बाथा आरो दावबायारि थावनि, पार्क  
 बाइदिनि आयाव लिर्नाय लिर्बिदां दैथाय हर।  
 सानसेयारि **“बड’सा”** खीरालाइया सेबखानाबि  
 फोसावगोन।  
 बड’सायाव लिर्हरनायनि हुबा खालाम,  
**“बड’सा”** खी नौथां, जौ बयबो आंगो खालाम।  
**सानसेयारि बड’सा मावखलि**  
 माइबं नोगार, जोहोलाव दैमालु लामा  
 कक्राझार, बिटिस-783370  
 Website: www.bodosanewspaper.com

# सानसेयारि **बड’सा**



BODOSA ★ A Bodo News Daily ★ Thursday ★ 31 December, 2020 Kokrajhar, BTC, Assam ★ Vol.- 30, Issue No. 275 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

## 33 थि गुवाहाटी बिजाब मेलाया जागायबाय

गुवाहाटी, 30 डिसेम्बर: सिगां बोसोरफोरव खुबोनाय बादिनो देग्लायबो 33 थि गुवाहाटी बिजाब मेलाखो खुनाय जादों। गुवाहाटीनि चान्दमारिआव थानाय आसाम इन्जिनियारि इनस्टिटुटनि गेलेग्रा फोथारआव खुनाय बे 33 थि गुवाहाटी बिजाब मेलाखौ बेखेवनाने होयो गिबि मन्थिनि मिडिया बोसोनगिरि ऋषिकेश गस्वामीआ। बे बिजाब मेला बेखेवनाय हाबाफारिआवबो ऋषिकेश गस्वामीआ 2019 बोसोरनि थाखाय आसामनि सासे मुंदांखा स्कलार ड थानेस्वर शर्माजौ लाइफ टाइम एसिभमेन्ट बान्था होनाय जायो। (□ 5 बिलाइआव)

## आसाम आइन आफाद जथुमाव बर’ रावआ आसामनि मावख’यारि लोगो राव आरो बि के डब्लिउ ए सिआ गनायथि जाबाय

गुवाहाटी, 30 डिसेम्बर: सानथामनि हाबाफारिजौ खुंजानाय सोलिफु गोजां बोथोरनि आसाम बिधान सभानि जथुमनाया दिने जोबानां थांबाय। अदेबानि दिनेनि सानआ बर’ हारिनि थाखाय मोनसे जारिमिनारि सान जानाने थाडे। मख’नो गोनांदि, कभिड-19 नि गेजेरावबो खुंजानाय आसाम बिधान सभानि जथुमनायाव दिने गनायथि जायो आसाम सरकारि राव दाफामनाय आइन 2020 आ। बेनि गेजेरजौ बर’ रावखौ आसामनि लोगो सरकारि राव गनायथि होनायाबो मोखथाडव जाफु सारो। बिटिआर



गोरोबथाबादिथे बर’ रावखौ आसामनि लोगो सरकारि राव खालामनायनि थांखि लादोंमोन। बे रावनि थांखि लानाया दिने बिधान सभानि सदनआव बर’ रावआ आसामनि गेजेरावबो गनायथि जायो आरो थोञोडे सरकारि राव महरे बे समनिफ्राय

## गेनाखान्थिजौ लोब्बा थानाय सासेबो सुबुंखौनो रेहाय होनाय नडः मावफुं सोद्रोमा रन्जित



कलाइगाव, 30 डिसेम्बर: हाग्रामा महिलारि दैदेन्याय बिपिएफ सरकारनि 17 बोसोर गोलाव समनि खुंथायाव गेनाखान्थि, गुलाय-गुजाय खुंथायखौ उदां खालामनो थांखिजौ राइजो-रजाफोरनो बाश्ना होनाय बादिथे दासान्दि बिटिआर खुंथायनि हाहाय खुंगिरि प्रमद बर’जौ लोगोसे मावफुं सोद्रोमाफोर गुबुन गुबुन जायगायाव नायगिदिनाय हाबाफारिखौ सोलिहोबाय थादों। (□ 5 बिलाइआव)

## बि पि एफ दोलोआव दैदेनगिरिफोरनि दोलो नागारनाया सोलिगासिनो

### बन्जार दैमारिआ बि जे पिआव, मिथाराम बसुमत्तिआ इउ पि पि एलआव हाबबाय

कक्राझार, 30 डिसेम्बर: थानाय 12 डिसेम्बरखालि बिटिसि बिसायख’थिनि भट सान्नाय एबा फिथाइ फोसावनाया जोबलांनारनि माखासे साननि उनावनो दासान्दि बिपिएफ दोलोआव लासै लासै दैदेनगिरिफोरनि दोलो नागारनाया सोलिगासिनो दड। मख’नो गोनांदि, 17 बोसोर बिटिसि खुंथायाव थानाय बिपिएफ दोलोखौ इउपिपिएल, बिजेपि आरो जिएसपि दोलोआ जुथाय



बोखारनो हानायनि उनाव जुथाय खुंथायखौ सामलायनारनि गेजेराव दासान्दि बिपिएफ (□ 5 बिलाइआव)

## बि के डब्लिउ ए सि आरो बर’ रावखौ आसामनि सरकारि मावख’यारि राव महरे बिल पास खालामनायखौ व.थु.आ. बरायदों

गुवाहाटी, 30 डिसेम्बर: इरांजि गोदान बोसोर 2021 आ बर’ माहारिनि गेजेराव गोञो-खोसेथि आरो गासैबो बिथिखव जौगानाय लाबोथों बेखौ हास्थानाने बर’ थुनलाइ आफादआ साप्रमोनिबोसिम इरांजि गोदान बोसोरनि गाहाम हासलायथि जासिहरदों। गोञोन्थाव बाश्नादि, दिने 30 डिसेम्बर, 2020 अक्टखलि आसाम बिधान सभाय बर’ कसरि अटनमास अयेलफेयार काउन्सिलनि बिलजौ लोगोसे बर’ रावखौ आसामनि लोगो मावख’यारि राव महरे बाहायनारनि बिल पास खालामनायखौ खौरं मोनाने बर’ थुनलाइ आफादआ गोञोन्याय फोरमायनारजौ लोगोसे आसाम सरकारिसिम साबायख’र बाउहरदों। बे जास्खुंथायनि गेजेरजौ बर’फोरनि गासै बिथिनि दावगानायव हेफाजाब मोनो हागोन आरो बर’ राव थुनलाइयाव गेबेडे दावगासा जानो हागोनखौ बर’ थुनलाइ आफादआ मिर्जिथिनार फोरमायदों। लोगोसे बर’ रावखौ आवुडे बाहायनो थाखाय बर’ थुनलाइ आफादआ गासैबो मावख’यारिफोरखौ खालालायो। □

## बि टि आरनि सिमनाया लावगोन : लरेन्स इसलारि



कक्राझार, 30 डिसेम्बर: सोलिफु डिसेम्बर दाननि गेजेराव गुबुन दख’रा, जिल्ला आरो दालाइसा दुलाराय बर’ फरायसा आफादनि बोसोरसालिया जथुमनाफोरा सोलिगासिनो थानायखौ नुनो मोन्या जादों। बेबादिनो 29 आरो 30 डिसेम्बर अक्टखलि साननेनि हाबाफारि लानाने बालाजान तिमालि दालाइसा दुलाराय बर’ फरायसा आफादआबो खुंगा 34 थि बोसोरसालिया जथुमनाखौ 623 नं बालाजान (बालागाव) गुदि फरायसालिनि गेवलां गेलेग्रा फोथारआव मेहेरगोनाडै खुंफुनाय जायो। जोबथा सानखालि हाबाफारि बादिथे फुनि 8.00 रिगायाव आफादनि गोथार फरिफला बिरहोयो दख’रा आफादनिनो (□ 5 बिलाइआव)

## मिरु सरकारआ करनानि गोदान स्ट्रेनखौ नोजोर लाखिनाने हारिमायारि उरां जाहाजखौ 31 जानुवारीसिम बन्द खालामबाय

गोदान दिल्ली, 30 डिसेम्बर: भारत सरकारआ दासान्दि मुलुगनाडै साग्लोबफिनो महर लानाय करना भाइरासनि गोदान स्ट्रेनखौ नोजोर होना नै जायगायारि आरो हारिमायारि उरां जाहाज सिबिथायखौ होवथानायनि सम सिमनाखौ (□ 5 बिलाइआव)

## गसाइगाव बिएड फरायसालिमानि रुफाथि माइथाय फोर्बोआ मेहेरगोनाडै जोबलांबाय

गसाइगाव, 30 डिसेम्बर: कक्राझार जिल्लानि गसाइगाव महकुमानि सिडाव थानाय गसाइगाव बिएड फरायसालिमानि रुफाथि माइथाय फोर्बो फालिथाया दिने जोबलांबाय। 29 आरो 30 डिसेम्बर साननेनि हाबाफारिजौ खुंनाय बे रुफाथि माइथाय फोर्बोनि गेवलां मेलखौ दिने खुंफुनाय जायो। गिबि सानखालि फरायसालिमानि

## सरुपेटायव इउ पि पि एल दोलोनि मेलआव भवानीपुर लक आफाद दाफुंदों इउ पि पि एल-बि जे पि दोलोआ आसामनि

### राजखान्थियाव गोदान थासारि सोरजिगोन : रेनगोर

भवानीपुर, 30 डिसेम्बर: थानाय 17 बोसोरनाडै बिटिसिआव बिपिएफ आरो हाग्रामा महिलारिनि दैदेन्याय समनि खुंथायाव नुजाथिनार गेनाखान्थिनफ्राय राइजो-रजाफोरखौ उदां खालामनायनि थाखाय इउपिपिएल दोलोआ गोखों बाश्नाजौ राइजो-रजाफोरनो बाश्ना होदोंमोन। बे बाश्नाखौ फारि-फारिये मावफुंनो थाखाय इउपिपिएल दोलोआ बिजेपि, जिएसपि दोलोजौ खोसेथि जानाने गोदान बिटिआर खुंथायखौ दाफुंनार जादों। इउपिपिएल, बिजेपि, जिएसपि दोलोआ जुथाय बिटिआर खुंथाय दाफुंनो हानाने मोनसे गोदान राजखान्थियारि आबहावा सोरजिनारखौ जागायजेनबाय। बेबादिनो बिजेपिजौ इउपिपिएल



दोलोआ आसामनि राजखान्थियाव मोनसे गोदान थासारि सोरजिगोन। आसाम आरो असमीयाखौ सिगांफासै लानाने थानोब्ला फेगो बिधान सभा बिसायख’थियावबो इउपिपिएल दोलोआ फसुनो लानाय गासैबो बिजाथिनारो देरहागोन होनाने दाबि खालामो। बे खेबनि आसामनि सरकार दाफुंनो थानाय (□ 5 बिलाइआव)



फरायसाफोरजौ लोगोसे फोरिंगिफोरा ओन्सोलाव सांग्रांथि लाबोनो थाखाय हारिमुवारि हान्जा सुनाय, बिफां फुलि गानाय बान्जायदोंमोन। दिने हाबाफारिनि नैथि सानआव आजिरि लानाय डिएफअ इसरन (□ 5 बिलाइआव)

# सुजुगिरिनि खोलोम

## मानसिनो सांग्रांथिनि गोनांथार

मानसि सुबुंनावल' सांग्रांथिया गैया, जिब जुनार, दाउसिन दावला फोरनावबो सांग्रांथि दड। नाथाय सांग्रांथिनि रोखोमा गोरोबा जानो हागौ। जिउ जुनार, दावसिन दावलाफ्रा जौगाथायनि सांग्रांथिखौ सानानो रोडा। बिसोरनि गेजेराव जिउ खानायनि सांग्रांथि, जिउ रैखाथिनि सांग्रांथि बे मोननै रोखोमनि अनगायै आलादा रोखोमनि सांग्रांथिखौ नुनो मोना। मानसि सुबुंफोरनि सांग्रांथिया नाथाय जोबनो गैया। नाथाय, सिगां मुगानि समनि सुबुंफोरनि सांग्रांथि आरो आधिखालनि सुबुंफोरनि सांग्रांथिनि गेजेराव फाराग दं।

मुलुग संसाराव जौगाथायखौ लुबैयै सुबुं गैयाखौनो बुंजायो। जानो हागौ, जारिमिन मुगानि सिगां जिउ खंग्रा बै समनि सुबुंफ्रा जौगाथायखौ बारा मोजां मोनामोन जानांगौ। बिसोरनि गेजेराव सांग्रांथियाबो जिउ जुनारफोरनिखुइ बांदाय गैयामोन होननाबो बुंनो हायो। जिउ जुनार, दाउसिन दावफ्रा जैरै जिउ खानाय आरो जिउ रैखाथिनि सांग्रांथिखौल' लाना थायो बिबिन्दो बै समनि मानसि सुबुंफ्राबो जौगाथायनि थाखाय सांग्रांथिखौ साननो रोडखैमोन। मुगाया मोनसेयाल' थाबायथाया, सोलायसोल जाथारगोन। मुगाजौ लोगोसे मानसि सुबुंनि आखल आखु, आदब खायदाफ्राबो सोलायनो लायो। बे मिथिंगनि नेम।

बियो थारदि, जेसेबां जौगाथायखौ मोनगोन बेसेबां आरो मोननो लुबैनायबो बांलांगोन। गियान मोननाय लोगो लोगो सुबुंफ्रा जौगाथायखौ मोननो हास्थायो। जौगाथाय मोननो हाब्लानो आदब खायदायाबो सोलायबोनो लायो। मोजां आदबजौ गांजि आदबखौबो सुबुंफ्रा लाफानो सोलोडे। इयुनाव सुबुंफ्रा मोजां आदब खायदाखौ नागरना गांजि आदब खायदाखौसो गोबाना लायो।

जौगाथायाबो नाथाय हासिडेफैया। जौनो जौगाथायखौ लाबानो रौनांगोन। सुबुं समाजनि गोबांसिनानो जौगायनि सोमोन्दै मिथिनो मोना। टाउन सहरनिफ्राय गोजान गोजान गामि सिंफ्राव राइजो जानाय सुबुंफ्रा मा मा रोखोमनि जौगानायनि सुबिदाफोर दड बेफोरखौ एसेबो मिथिनो मोना। जिउनि समान लोंग्रा दै, देहा फाहामनायनि सुबिदा, खिग्रा जायगा (लेट्टिन) बानायना लानायनि सुबिदा, आबादारि सुबिदा, बाइदि बाइदि बिथिनि सुजुग सुबिदानि सोमोन्दै मिथिनो रोड। मानोनो, बिसोरनि गेजेराव दासिमबो गोनां सांग्रांथि गैया।

सिगानि बांध्राखौ दोनथनानै आधिखालनि सुबुं समाजा सांग्रांथिखौ लानो रोडबा बे बादायलायनाय मुगाअयाव जिउ खाना थाना थानांगौया गोलै नड। बि.टि.सि. हालामखौ दानायनि ओंथियाबो गुबुनफोरजौ गदबना दोनजादौं। दानिया साफ्रोमबो बर' सुबुडानो जैरैथिबो सांग्रां जाना दावगालानो हानांसिगोन। गुबुना फेनानै सांग्रांथिखौ होफेनाय नड। गावनो गाव सांग्रां जाना गुबुनजौ बादायलायनानैबाबो दानि कम्पिउटार मुगायाव थाना थाना नाजानांगोन। नडबाब, जौ मुगानि सुनामिजौ बोहैखारलां जागोन, बियो थार।

# दिनैनि फानजामुथि

## राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ ङ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

**मेष:** गोसो जानाय बायदि रंजानो-बाजानो खालामनो हागोन। गोजोनै समखौ बारहोहरनो हागोन।

**वृष:** जेखि जाया मोजां खामानि मावनानै लानो हागोन। सान्नाय बायदि जाफुंनो हागौ। गोथार सान।

**मिथुन:** मोजां खामानियाव आगान होजेनो हागोन। जैरैबो जौगानाय फैनो हागौ। मोजां सान।

**कर्कट:** हरखाबै रांखावरि मोनानयनि आशा दड। गोजोन्याय मोनगोन। मोजां सान।

**सिंह:** दिनैनि सानआ गोथार सान। जेखि जाया ननि खामानिखौ मावनो हागोन। जौगानाय फैनो हागौ।

**कन्या:** रांखावरिफोराव थगाय जानो हागौ। जेखि जाया जैरैबो सांग्रां जानांगोन।

**तुला:** संसार जानायवा गोसो होयै जिउ खुंलांनो हागौ। गोसोखौ धैज्य हमनांगोन।

**बृश्चिक:** जेखि जाया मोजां खामानि मावनो गोनां दडबा मावनो हागोन। फारफ्रोमआवबो मोजां।

**धनु:** मोजां रौंमथिनि थाखाय मान होजानो मोन्नो हागौ। गोजोन्यायखौ मोनगोन। मोजां सान।

**मकर:** जेरावबो गोहो-बोलो मोन्नो हागोन। बादायनायाव देरसार जानो हागौ। मोजां सान।

**कुम्भ:** जेखि मावा फालांगिआव मुलाम्फा खालामनो हागोन। गोजोन्याय मोन्नो हागोन। मोजां सान।

**मीन:** धोरामनि थाखाय गोजान जायगायाव दावबायहैनो मोन्नो हागौ। गोजोन्यायखौ मोनगोन।

# “दख 'ना थावसि'” सुंद' सल 'नि साया लानानै

## जैस्रि बर'

बांध्राखौ सोरनो माबोरै खिन्थाजेनगोनो सानब्लाबो सानख'नो हायाखै सन्थलिआ। गावनि इयुनाव मा जाहैगोन बेखौ सान्नानै आगोर मोनह'राखै बियो। बिगोमा हिन्जावनो बांध्राखौ खिन्थायोब्ला बिगोमा हिन्जावादि मा महर लागोन, जानांगो रोसोन्दि महर लानानै गावखौ जायगायावनो मन'गोन बायदि मोन्दौं सन्थलिआ। बिगोमा हाँवानो खिन्थायोब्ला बिगोमा हाँवायाबा मा फाव लायो बेखौबो सानखंहरनो हायाखै बियो। बिमानो खिन्थाना लायोब्लाबोसो बिमाया बिखौ मोजाडै दोनगोन दाबि ? बाइदिसिना सानायजौं बे सानैसोआ मोजाडै उन्दुलानोबो हायाखै बियो। जानो लौनो हायैआथ' जिबा सानसो जाखाबाय। संनाय समाव जेबो मोनाब्लाबो जानाय समाव बिहा मानोबा ओंखैफोरखौनो अंखि-अंला मोनामनाय मोनसोगारो। गोबाल'नो ओंखारो। बेबादि गोबाल'नो ओंखारनायखौ बिगोमा हिन्जावा नुयोब्ला जानांगौ साँखांसिगौ। नाथाय बियो जेब्लाबो बिगोमा हिन्जावा मावख'आव थांखांलासो ओंखाम जानो लानायखाय बेबादि थासारिखौ नुफेराखै। मोनायावबो बियो बयबो जाखांनाय उनाव थोरसियाव ओंखाम गोजा खबनैसोल' लानानै जानायखाय रावबो जेबो हमनो हायाखै। जाया नड दानै बारबायानो। बाँदाय गोबाब्ला उनाव गावहासो बांसिन जालायाव गोलैनांगोन। बेनिखायनो बांध्राखौ दिनैनो सोरबा सासेनो खिन्थानानै लानो सिरि-सिरि सानखोमागानिसो दं बियो। नाथाय सोरनो खिन्थाग्रोनो आरो माबोरै खिन्थाजेनो बेखौसो सानब्लाबो मोनाखै।

“आनै, आं गाबोन न'आव थांगोमोन।”  
हराव ओंखाम-ओंखि संफुबाय थानाय समाव बिगोमा हिन्जावा नायफाफैयो। बे खाबुआवनो साँदों बियो बिगोमा हिन्जाव फेसालिनाव।  
“मानोबा ?”  
“आं दासान्दे देहाखौ एसेबो मोजां मोनाखै आनै। बोरैबा मोनगासिनोद” मा जायो जाथारथँसै सान्नानै गोहो जथायहावनानै बुंदों बियो।  
“माबादि मोनदों ? नों देहाखौ गांजि मोनदोंब्ला न'आव थांब्ला हामहैगोन आरो ? हा लोमजादोंब्ला आं गाबोन डाक्टरनाव लांगोन्ना।”  
“आं दानारि सि सुयेया दानै जाबाय आनै।”  
“आयु...थे खम जादों ओन्दां। हिमग्लबिन खम जाखादों बे। बेनिखायो बेबादि बन्द जादों। गोखै बारा दाजा। मैफ्राय, दिंखिया, ब्रह्मि मैंगफोरखौ जा। नोंखौ माबा बे सानैसोआव गोखैसो जालांनय थानाय नुदां। आं गोखै फिथायफोरखौ लाबोनो गारसिगोन रं।”  
आयु एसेबां अनसुति। एसेबां अनसुलि बिगोमा हिन्जावनि रावआव सन्थलिनि गोर्बोंआ खामगिलनो हमो। बिन मेगनजौं मोदै र' र' गनो हमो।  
“नै नै जाबिबिआ गाबलायबायसो। माखौ गाबलाबायखो ? मा जामारदों दे मोजाडै खिन्थाना ला आनो।”

बिगोमा हिन्जावा अन्यायजौं गले-गले रावजौं सोबाय थानायवा सन्थलिआ आरोबाव लोरबांथिसिन जायो। बियो गाबै गाबै खिन्थायो-  
“आं बिमा जानो नागिरदों आनै।”  
सन्थलिनि रावखौ खोनानानै होसिखावफ्रादों फेसालिआ..... ?  
“सोरजों ? बुगब नामा ?”  
बुगबआ बिसोरनि ड्वाइभार।  
“नड आनै, बुगब नड।”  
“सोरथो बेलाय ? नोंहा गोसोथोनाय दं होन्नानै आंलाय माथो मिथिथारा ? ना आं गैयाब्ला फेखोमायो ? सोर बेलाय ? बबेनि मा नाम ?”  
सन्थलिनि गाबनाया बारानिफ्राय बारा जायो।  
“आं उनाव खिन्थागोन आनै।”

“आया, दानो खिन्थाखायाब्ला आं माबोरै जेनाखौ सुप्रांनंगौ ? नोमाखौ लिंहरनांगोन, सेंग्राखौ लिंहरनांगोन, सेंग्रानि न'खरनि मानसिफोर लिंहरनांगोन। नोंखौ बियो हाबा लागोन्ना लाया सोनांगोन। हाबा लायोब्ला माब्ला, लायाब्ला मानो बेफोरखौ सावरायनंगोन। जाथया जाबय जेब्ला बेखौ सुप्रांनयनि लामा सानखानांगोन। नोमायाथ' हासिं दे जेनाखौ सुफुनो हानाय नडना नोंदामोनहालाय नोंसोरखौ खौरांखौनो लाखाया। नौनि बिबानखौ आं लाबाय जेब्ला गासै जेनाफोरखौ आंनो सुप्रांनंसिगोन।”

हराव सोब्लाबो सेंग्रानि मुंखौ एसेबो खिन्थाथाराखिसै सन्थलिआ फेसालिनो। बाँदाय गाबनाय नुनानै उनाव फेसालिआबो सांनो नागरदों। दर्जा फांथेनानै उन्दुनानै थानाय सन्थलिखौ जेबो बुडलासै इंसिनि खामानिखौ गावनो फोजोबदों फेसालिआ। थोसिं लथा सुखांनानै इंसिखौ साखोन-सिखोन खालामनानै आधि-आखाय सुनानै फिसाइजौं लोगोसे कम्पल सिडाव एरसोहैफादों। गुबुन सानफोरनि बायदि ओंखाम जाखांनानै दसे टिभि नायनो बिहा एसेबो गोसो जायाखिसै।  
मा जादों सन्थलिआ होन्नानै फिसाइया सोनायाव लोमजाजौ मोनदोंनो होन्नानैल' खिन्थादों बियो। दायनिगिरिखौ मोजाडै मिथिब्लासो फिसाइनो गासै बांध्राखौ खिन्थानो सान्नानै।

हरानि दानगु उनावनो बिमा जासिगोन होन्नानै फोर्मान मोनदोंमोन फेसालिआ। जोबोद खुसिमोन बिसोरि फिसाइ रोदोम आरो फेसालि। लोगोसे नख'रनि बयबो। नाथाय दानत्रे जास्लाबैयवनो बिसोरनि बे खुसियाव अर नांदोंमोन। सानसेखालि मावख'आव खामानि मावफुबाय थानाय समावनो हर्खाबै जोबोद उदै साखांदोंमोन फेसालिआ। बे समाव रोदोमाबो गावनि मावख'आव। बै सानखालि फेसालिहा मावख'आव गोबां गोनांथार खामानि दंसोगारोमोन। गासैबो खामानिखौ गावनि मावग्रा लोगो सासेनो मावनो खिन्थाबोनानै न'सिम फेनो बियो ओंखारबोदोंमोन। नाथाय बियो न'सिम सौहैस्ताबाखिसै। लामा गेजेरावनो जग्रबानांदों बियो। सानायजौं आइखां-बाइखां लामा गेजेराव जग्रबानानै गावख्रावदों बियो। आरो दसे उनाव थैजौं लोमसावलांदों बे जग्रबाना थावनिया। मानसि महर मोनहानाया फेसालिनि गोर्बोंनि फिसाइया लामा गेजेरावनो उजिदों दरसे बेदर महरै। रोदोमा खौरां मोनहैनानै उनाव फेसालिखौ लाना फेदों। जाथाय जानाय बै थावनिखौ मावख'आव थांब्लानो फेसालिआ नुलाडोआरो बे थावनिखौ नुब्लानो बिहा दिनैसिमबो बिखा खामो। बे थावनिसिम थांब्लानो बिन मेगन सिगाडव नुजायो आधि-आखाय महर मोनहानाय मोनसे थैन बेदर।

बेनि उनाव दिनै स्नि बोसोर जालांनय फेसालिआ आरो गावखौ बिमा जाबावगोननि जेबो फोर्मान मोनाखिसै। आइ.भि.एफ.नि जोहै लानोसे लानोसे सानब्लाबो दासिम हायाखै। मानोना बेवहायबो खसांया दलाम थाडे। न' लुनो होन्नानै बिसि-फिसाइ सानैहाबो लन थानायलाय बेंकनिफ्राय लन लाबावनानै थांखिसिम आवगायनोबो बिसोरहा गोहो जाथाराखै।  
सन्थलिया बिसोरनाव थाफेनाया बोसोरसे जाफ्रामबाय। बिदामोनहा सानैबो बेंगलराव खामानि मावनो थाहैनानै हजौनि हिन्जाव हाबा खालामनानै थाहैबाय। बेरामि बिमानि बिबाना सन्थलिनाव। बिमानो मुलि बायनो रां नांबायथागौ होन्नानैनो सन्थलिआ रुवाथि थानो लादों। बिसि-फिसाइ सानैबो मावख'आव थांब्ला नआ लांदों जाथारो होन्नानै फेसालिआनो लाना फेदों सन्थलिखौ। सन्थलि बिमाजौं गोबावनिफ्रायनो सिनायलायखायो फेसालिमोनहा। फिसाइ रोदोम गैयाब्ला गावहा बहाबा थानांगौ जायोब्ला थेखा बेथेखा नांगौ होन्नानै बुगबखौबो ड्वाइभार लादों गावसोर मावख'आव थाडेब्ला गोबां समावनो बुगबजौं सन्थलिजौल' जायो न'आव। बेनिखायनो सन्थलिनि दायनिगिरिखौ बयनिखुइ सिगाडव बुगबखौनो सान्ना लादोंमोन फेसालिआ। मानोना बेसेरा बिबो हिन्जाव थैजानाया बेसेबा गोबावसै। फिसाफ्रानो दा देरस्रलायबाय।  
अखानाय आरोबा सोबावनो होन्नानै सानदोंमोन फेसालिआ। बायदिसिना सान्नानै उन्दुनो ओंखारै फेसालिआ सोरांसि सोरांसिसो उन्दुलानो हादों। बेनिखायनो सिखारनायाव गोबाव जादों। जेब्ला बियो सिखारनानै इंसिडाव हाबा हैयो बियो मिथिदों सन्थलिआबो सिखाराखै। गाबज्रिब्लाबो गाबज्रिब्लाबो सन्थलिनिफ्राय फिनाय मोनैलाय दर्जा नरहैदों। बियो सन्थलि उन्दुप्राखौ। एसे नारनायवनो दर्जाया गेंदों। सन्थलिआ खथायाव गैया, बिस्नायाव गांसे गुफुर खाखोर बिलाइ मोन्नानै खनखांदों बियो। थाखो ब्रैसिम फरायनाय सन्थलिनि आखरा मोजांथारमोन। बियो रोखा रोखा आखरजौं लिरदों-

“आनै, नोंखौ आं फोथायखेबस' खालामनाय जाबाय। दायनिगिरिया रावबो नड आनै बियो आमाइयानो। सानफ्रोमबो सानजौफुडव ओंखाम जानो फैयो आमाइया आरो बे समावनो आंखौ.....। नौनि दहाय होन्नानै आं एंन्राबायब्लाबो नागरथारा। आइखौ फाहामथाय होनायनि थाखाय गोबां रां हरखाबाय आरो बेखौ सुख'नायनि साबसिन लामाया बेनो होन्नानै आमाइया गोबाव समनिफ्रायनो आंखौ बेबादि खालामबोगासिनो दं। आं जेबो लामा नागिरनानै

# बिरफुंनाय हाद्रिनि बेसेन

मोनाखिसै आनै, नाथाय गुबुनफोरबादि अबथिरा जिउ फोजोबस्राना लानानै दायगैयै सासे गथ'नि जिउखौबो फोजोबस्रानो सानाखै। आं न'आव थाहैथोनसै। खाफालाव मा लिरनाय दं नायनोसै।

सन्थलि।”  
सन्थलिनि लाइजामखौ फरायखानानै राव गोमादों फेसालिहा। गाबनोबो बावगारदों। फेसालिनि गोमजोर-गोमजोर मोखांखौ नुनानै रोदोमाबो हमनो हादों जाथया गुबुन महर लाबाय। नाथाय फेसालिया मा थांखि लादों बेखौसो हमदोनो हायैयाव बिहाबो बिखा ख्लाब-ख्लाब जादों।

सानथामनि उनाव बुगबखौ लानानै सन्थलिमोननि न'आव सौहैदों फेसालिआ। फेसालिनि बांध्राखौ दानगारनो हानाय गोहो रावहाबो जायाखिसै। बयबो गनयथि होनायनि खर'ल' थिंखंदों। फेसालिआ बिमा जानायनि लामायाव। खौराडा बयखौबो रंजाखांहोफिनदों। फेसालिमोननि रुवाथि, बुगब बिसि सन्थलिआबो बिमा जासिगोन बे बांध्राखौबो बयबो मिथिदों। थि समाव फेसालि आरो सन्थलिआ सें-सें देहा फाहामसालियाव थाहैदों। सख्त'-बख्त' हाँवासा गथखौ बामनानै फेसालिआ गोजोननि मिनिस्तुदों। एसेबां सान बिमा जासिगोननि फावथिना खालामनानायनिफ्राय दा गुबुयै बिमा जानो मोन्नायनि देरहासातनायाव बियो रोदोमनि गासै गोरोन्थिखौ निमाहा होनो थियायि जादों। आरो सन्थलिआ ? गोर्बोंनि फिसाखौ फेसालिनि आखाइयाव गथायनानै बुगबनि आखाइयाव हमनानै ओंखारलांदों जिउ गैयै गथ'सो जोनोम होदोंमोन बे बदनामखौ खर'आव रुजुन्नानै, फेसालि-रोदोमजौं माब्लाबाबो नुजाफैफनैनि रादाय होन्नानै सन्थलिया जेनबा बाराव बिरफुंनाय हाद्रिसोमोन। बारावनो बुगबजौं हाबा जादोंमोन, बारावनो बिमा जानायनि लामायावमोन आरो दा बिन जोनोम जागौदान गथ'आ बारजौं लोगोसे बिरखास्लांनय गुबुन मोनसे सिनायथिजौं। सन्थलिनि गोजोन्याया बेयावनो बिमाया जायखि जाया गथ'आ दा बिफानि सिनायथिजौंनो बे मुलुगाव गसंथानो हासिगोन। उन्दाहा, गोजोन्याय मोनफुंनाय, खोमानाय बायदिसिना गलाय-गथाय मोन्दांथिजौं आलायजाब्रे जानाय रोदोमा फेसालिखौ गोबाख्रबानानै गाबनायखौ नुनानै देहा फाहामसालिनि बयबो सोमोनांदों।

# सुंद' सल' जामबानि आखु

बिसमुरिनि साहा 3 कि:मि:गोजानसोआव मोनसे फिसा समायना गामि दं। बे करफाफारा। गोदोनि आबै आबौमोननि खुगानिफ्राय खोनानाय बादिब्ला बे गामिआव गोदो बारा नखर गैयामोननो। गंभ्र गंभा नखर दंमोन। बेनिफ्राय बे गामिर्ना मुड करफाफारा जादोंमोन। मानि गोबां मानसिफोरा बुडोमोननो करफा करफि जायाग बे गामिनि मुंखौ बे गामिनि मुंखौ करफारा दोननांगौ होननायलाय दा करफाफारा जाबान। बे गामिनिनो सासे जागबा मुं दंमोनलाय। मुडबो जाम्बा मानिआबो जाम्बाखा। बेनि थार जाथायखौनो आं ससे रायजो राजानो खिन्थानो। जाथया ओरै गोदो बिसमुरि बासवारि एबा उन्दुगामिनिफ्राय गोबां हाँवा हिनजाव मै जानो थाडेमोन। बे मै जाहैनयनिनो मोनसे जाथाय। करफाफारा गामिनिफ्राय गोबां हाँवाफ्रा बोसोर गोदाननि(बैसागुनि)मै जानो थादों। जाम्बायाबो फुं आद्रा आद्रिआवनो मै जानो ओंखारफादों। गाव गावनि जानांगौ जोमनांगौ मुवाफोरखौ लानानै गासैबो रायजो राजाया गासैबो ओंखार लांनय सिखोना जाहारआव मै जानो। नाथाय मै जाग्रा मानसिफामाब्लाबो सिखोना जोहोलावनि थानसालिजौं थाड। मानोना बे थानसालिजौं थाडेब्ला मै जानो थांब्लाबो मैखौ मोना। आरो जेआव नांबाबो ओरैनो गयो आरो बदर बेंगा सिलायजौं गावबाबो नांबाबो थैया। मानिगुलि नांजानानै थै रना रनि गनाय मुफुराबो थैया,सं दानब्लाबो मोना। दासिमबो बिदिनो बे जायगायाव मै अमा मोना। मानसिफ्रा दासिमबो बे जायगायावखेराय फुजा हैबाय थायो। बेवहायनो जाम्बाया मोनसे रागा जौनायाव मिनिथावा जाथाय जादों। जेखौ सोरगिदिं सोनानै बयबो सेर सेर सिखा जं बोरला फाथिना मैया बोरै खारबोगोन गावहबा गाव रिदि जाखानाय दं। मेगनिनि नोजोरा फेसानि नोजोर। जाम्बायानो संआव हावदों। हारसिडे राव गैया भावगैया खेम खाम गोमलायनाय' दानबोबाय। ओजौं सासे जायबा गावबुरा मुनि मानसिआ मै नंगानै बोरलाजोम फ्राद गावनायसै सोदोब फेनायथिडे ओजौं जाम्बाआ थिर नांजानानै बावदावनानै जाबाय जाबाय आधिआवनो होनगासिनो दं। ओजौं माखासे मानसिफ्रा जाम्बानि रवखौ खोनानै बयबो नांबायनो, मोनबायनो होननानै रंजानायसै दावराव जाखांथारनायसै। बयबो बेसे गिदिर मैना अमा होना खारबोनायसै। खारबोना खाथिआव थाफेना नुबाय जाम्बानि आदैअवसो बोरला थिर गंसे हाबना थै रना रनि गामिसिनो दं। बयबो फेना सोरबा ग्लाब ग्लाब मिनिबाय,सोरबा सोरबा जाम्बाखौ आबाद खालामबाय नायना गावबुराया बयनिबो सिगांआव बुंनयसै,आंसो मै नंगा ज्राव -ज्राव सोदोब फेनायखाय,माथो जाम्बासोलाय होना बेबो उदैबिगुर सालायनाय मिनिबाय। जाम्बाखौ सासे साइखेलजौं नारनानै लाबोबाय गावसोर बाद थानायवा। जाम्बाजौं लोगोसे ओंखाम संनो फेफ'लाय गोबां मानसिआनो मै होनो 7 नं हाग्राय थांनय। जाम्बाया साइखेल सायवनो नोगोर हासुनो ओंखार खांदोंमोन। उनाव बाद मोनफेनानै हासुनो जस्लनायसै खुसेंग्रा खुरनाय गुदुंडव। जाम्बाया जेरावखि थाडा गाव हासुनो ओंखारबा गुदुं नागेरखायोमोन। मानि गुदुंडव हासुनो जेराव मोजौं मोनोनो। बिदि जस्लनानै मोनसे गुदुंआव हासुबाय थानायसै। लोगोफ्रा मा जाखो मा जाखो होनना सोनायसै। गावबा गाव हासुनायनि जाथायखौ लोगोफोरनो खिन्थाजेनयसै बयबो गोबां मिनिनायसै। आ नायै बयबो मै जाग्रा गोजा उलथापानि फासै थानायसै। थांखिआ गारि गाखोनाय न'आव फेनाय हरना गुरना फेनाय बयबो जोबोर ओंखाम उखैनयसै। सासे मानसिआ ओंखाम उखैनयखौ सहायनो हायैनि जाम्बाखौ बुंनयसै थां जाम्बा बै द'खानाव रति दंना गैया सौहैथां जाम्बाया थानायसै सोनो। दकानदारा नेपालि बुरिमोन। जाम्बाआ थानानै नेपालि बुरिखौ बुहैनयसै ? दकानदार रति आसे ? नेपलि बुरिआ गावनि रावजौं बुंनयसै स' (बर' रावआव दं होननाय जायो) बुंनयसै जाम्बाआ बुजिबाय मा गोलैजोबबाय। स' होननाय खोनानाय लोगो लोगो गावबा गावनि लोगोजौं फेना खिन्था फेबाय गैयानो दहायनो स' गोलैजोबयनो होन्नानै। बेबो नंगौ सानबाय। दानिआ मा जाखो आसाम बन्थनि गारि गैया बयबो उलतापानिनिफ्राय थाबाय जोबबाय। थाबायै थाबायै 7 नं हाग्रा हाजोखौ मोनफेबाय। मेंबाय, दै, गांनय सरगाव जिरायबाय। हाग्रायाव सासे नेपालि लावखारा मोसौ गुमगाराओ दंमोन। थायबा गावबुराओ जाम्बाखौ गारि दंना गैया सौहैथो थिननायसै। बेबो थानानै सोनायसै। थै दाजु गारि कयदिन गगेग हो गारि कयदि गगेग होनना सोनायसै। नेपालि लावखारा आन्दायना बुजियैनि म' जानडाइना बुंनयसै। जाम्बानिब्ला गारिआ सानबैसे बन्थ होनना बुंनय जादोंनो नेपालिनि रावयै बयबो जाम्बानि जाउलिआ बावलिआ रावखौ खोनानै मनिजोबनायसै। सोरबा सोरबा उदै बिगुर सानानै उन्दुनायसै सरक सायवनो। 9 बाजिआवसो ओंखाम उखेहाव दै गंहाव जाम्बानि जाथायखौ मिनिथै मिनिथै सफेदोंमोन गामिआव।

**AFFIDAVIT/SELF DECLARATION**  
**CHANGE NAME OF WIVES SERVICE SOLDIERS**

I, NIJWM BASUMATARY (existing Name of wife as per NOK) is legally wedded spouse of JC-551255 L, Rank SUB Name BARPUNG GWRA BASUMATARY, presently residing at (Address), Village-Besor Kona, P.O. Besor Kona, Dist.- Goalpara, State- Assam, PIN-783129 do hereby solemnly affirm and state on oath as follow:-

- That, I have changed my name from NIJWM BASUMATARY (Name of wife as per NOK in record) to NIJWM MUSHAHARY (Proposed New Name of wife) due to wrong declaration (reason of change). That, my date of birth is 29-01-1983 (Twenty Nine January Ninteen Eighty Three)( in words)
- That, I am producing this affidavit for the purpose of evidence for my name.
- That, both names NIJWM BASUMATARY and NIJWM MUSHAHARY pertain to one and the same person.
- That, I shall at all times hereafter in all records deeds and writing and in all proceeding dealing with transactions private as well as under all occasions what so ever be known as NIJWM MUSHAHARY.
- That, what is state above is true and correct to best my knowledge, information and belief and nothing material has been concealed there from.

**Nijwm Basumatary**

Date: 19-09-2020  
Place: Kokrajhar

## स्कूलनि गथ 'फोरनो मिड-डे मील होनो थाखाय मिरुआ नांथाबदों



गोदान दिल्ली, 30 डिसेम्बर: जेब्लासिम राइज्योनि मिड-डे मीलखौ रान्नाहै होनायनि रिपर्टखौ हरा, अब्लासिम बिसोरनो गोदान बोसोरनि थाखाय जाग्रा आदारखौ मोन्नाय नइ। बेनि सिगांबो मिरुआ गासैं राइज्योफोरनिफ्राय गावसोरनि बाहागोनि जाग्रा आदारखौ समाव रान्नाहै होनो थाखाय बुंदोंमोन, जाहाथे गथ'फोरा मिड-डे मीलखौ समायाव मोन्नो हायो। लोगोसे बेखौ होनायनि सम बिहरनायजों लोगोसे बुडो

## हादोरनि रैखाथि मन्थि राजनाथ सिंआ चीन-पाकिस्ताननो गोखों खौरां होदों

गोदान दिल्ली, 30 डिसेम्बर: पाकिस्तान आरो चीनजों लोगोसे सिमनायाव जानाय दावराव-दावसिनि गेजेराव रेखाथि मन्थि राजनाथ सिंआ गोखों खौरां होदों आरो बुंदोंदि, सान्थि हान्जानि सिमनाखौ बार नानै नायबिजिरनो थाखाय थियारि जादों। बेजों लोगोसेनो बियो फोरमायदोंदि चीनजों लोगोसे एलएसिआव जानाय दावराव-दावसिखौ सावरायनायनि उनावबो जेबो राहा लामा ओंखाराखै आरो जेना गोनां थासारिया सोलिगासिनो दइ।



जखायगोन, बेखौ जों राजनाथ सिंआ दाबसिन जानायखौ सुप्रांनो नागरनाय नइ। बुंवावदों एलएसिआव दावराव थाखाय चीनजों लोगोसे

टेकनिकेल आरो सान्थिआरि थाखोन सावरायनायजों जेबो राहा लामा ओंखाराखै। दासिमबो जेना गोनां थासारिया सोलिगासिनो दइ।

बेयो थारदि भारत आरो चीननि गेजेराव दावराव-दावसिखौ खम खालामनो थाखाय सान्थि हान्जाफोर आरो राजखान्थियारि थाखोआव सावरायलाय गसिनो दइ, नाथाय दासिमबो जेबो रोखोमनि जाफुं सारनायखौ मोनाखै।

## पावारआ बुंदों-सरकार आबादारिफोरनि सोमावसारनायखौ गोथौयै साननांगौ

गोदान दिल्ली, 30 डिसेम्बर: आगुनि मिरुआरि मन्थि आरो माहारियारि कंग्रेस पार्तिनि गाहाय शरद पावारआ थानाय मंगलबारखालि बुडोदि, सरकार आबादारिफोरनि सोमावसारनायखौ गोथौयै लानांगौ आरो गाहाय मन्थिआ बे सोमावसारनायनि थाखाय बेरेखा दोलोन सायाव दाय हमनो नाइ। बिथाइज सोमावसारा आबादारिफोरजों



दिहुनाय जाफुंसारबला बेरेखा दोलोआ थानाय बुधवारखालि इयुनिन सोलोखान्थिनि सायाव सावरायगोन। बिथाइज बुंदों बिसोर आबाद बिथिइव सुखानायखौ लुबैदों, नाथाय बि जे पि सरकार जेबायदिये खालामदों बिदि नइ। बिथाइज बे खेबाव मिरुआ बिल थियारि खालामनायनि सिगां राइज्योजों सावरायखै आरो राइज्योफोरनि आबाद

सावरायनो थाखाय दनाय सा 3 सोद्रोमायारि मन्थि आफादिन सायावबो सोंथि दिखानानै बुडोदि, दासिमाव खेब 5 सावरायखंबाय, नाथाय जेबो राहा ओंखाराखै। पावारआ बुंवावदों जादि सरकार कैगौ खोलोबनि सावरायनायबो राहा लामा

मन्थिफोरजों जेबो जथुम्मा खालामाखै होन्नाहै दाय जाबसिन्दों। सरकार गावसोरनि गोहोजों पालियामेन्टआव बिलखौ पास खालामदों आरो बेनिफ्रायनो जेनाया जागयो। बेनिखायनो बिथाइज राजखान्थि आरो सुबुं तन्त्राय सावरायनांगौ बुंदों।

No. BWRD/NIT-I/BTC/2018-19/692 Dated: 24/12/2020

**SHORT TENDER NOTICE**

Sealed tender in prescribed form to be eventually drawn in A.P. W.D.H/F2 from affixing non refundable C.F.S. of Rs.8.25 (Rupees eight and paise twenty-five) only for different group are hereby invited for the following works for the current year 2020-21 from the registered contractor/firms under W.R. Deptt. or Addl. Chief Engineer Kokrajhar Zone W.R.Deptt., B.T.C. Kokrajhar for following works.

Tender paper will be received by the Executive Engineer, Baksa W.R.Division, Mushalpur up to 2.00 PM of 11-01-2021 and will be open on same date,time,place and hours. If the date of receiving/opening tender happens to be holiday/bandh or if it is not possible to receive tenders in stipulated date for any reason the next working day will be considered as last date for receipt/opening tender.

Detailed N.I.T. plan specification of work, terms and condition for the work may be seen in the office of the undersigned during office hours on any working day upto 2.00 PM of 11-01-2021.

Tender paper are to be obtained from the office of the undersigned on payment of Rs.500.00 (Rupees Five Hundred) only (Non-refundable) in perform through D.D of S.B.I and pledge to the Executive Engineer, Baksa Water Resources Division payable at Mushalpur Treasury during office hours on all working day up to 2.00 P.M of 11-01-2021. The tenders or the authorized representatives may remain present at the time of opening the Tenders.

Sl No.	Name of Scheme	Package No	Approx value of work (Rs.)
1.	Immediate measures for restoration works at east side of Rupatal from River Noanadi under SDRF for the year 2019-20.	1	Rs.29,94,999.93
2.	Immediate measures for restoration at Kukurakata village from flood damages of River Nonoi under SDRF for 2019-20.	1	Rs.31,96,727.00
3.	Immediate measures to restoration works at Sagunbahi village & its adjoining area from the River Noanadi under SDRF for the year 2019-20.	1	Rs.29,95,047.58
4.	Immediate measures to restoration works at Hazaragaon village from River Galondi under SDRF for the year 2019-20.	1	Rs.34,87,556.82
5.	Immediate measures to restoration works of Pakribari village (Mazgaon) on R/B from River Khawrang under SDRF for 2019-20	1	Rs.34,88,086.13
6.	Immediate measures to restoration works at Barpukhuri village from Kawadanga River under SDRF for 2019-20	1	Rs.29,97,536.40
7.	Restoration works at Kawadanga river on its left bank at Kadamtola village under SOPD(G) for 2019-20	1	Rs.34,85,357.50

A) Time for Completion of work: - 45 (forty-five) days' time from date of issue of work orders.  
B) Item of Work: - As per detailed N.I.T.

**SPECIAL TERMS AND CONDITIONS**

- Works will be taken up subject to concurrence of the competent authority.
- The preference will be given to the Contractor / Firm having sound experience of similar nature of works.
- In case of flat rate quoted by the Contractors / Firms, the decision for allotment of works will be finalized by the competent authority.
- The allotment authority will consider the capability of the tenderer and be not bound to accept the lowest tender rate.
- 2% Earnest money in the form of Demand Draft/Fixed Deposit from Nationalized Banks are to be deposited with the tender.
- Allotment authority reserve right to accept /reject any tender without assigning the reason thereof.
- All other terms and conditions are as per rules and procedures followed in the Water Resources Deptt Assam. From time to time are also applicable.
- Price level of the work is as in the relevant approved scheme and claim to update will not be entertained.
- GST Registration No (Dully attested Xerox copies of all necessary documents are to be enclosed within the tender paper).
- Execution has to be comments within 4 (Four) days after award contract/allotment of work along with signing of agreement.
- Payment of the work will be made subject to the availability of Fund.
- Deptt. Will not be responsible for arising any complicity for payment due delay of completion of works.

Sd/-  
Executive Engineer  
Baksa W.R. Division,  
Mushalpur

IPR(BTC)-83/2020

**TEACHERS' ELIGIBILITY TEST, ASSAM H.S.LEVELTET EXAM, 2021**

SEBA/EX/COEATET/2020/23 Dated 30<sup>th</sup> December, 2020

This is for general information of all that candidates who applied for appearing in the ensuing H.S.-TET Exam, 2021 are hereby asked to download and print their ADMIT Cards from the SEBA website, [sebaonline.org](http://sebaonline.org) or SSA official website: <https://ssa.assam.gov.in> by logging the Application number and password w.e.f 1<sup>st</sup> of January, 2021.

Sd/- (Member Secretary)  
TET Empowered Committee  
Secondary Education, Assam

**PRESS NOTICE INVITING E-TENDER**

No. E-TEN-1/2020-21/

The Director of Soil Conservation, Assam invites bids from registered and reputed eligible bidders for the following projects under Kokrajhar Soil Conservation Division.

- 1) WATER DISTRIBUTION CUM WATER HARVESTING PROJECT AT LAODANGA-GILAJHAR amounting to Rs. 247.57175 (TWO CRORE FORTY-SEVEN LAKH FIFTY-SEVENTHUNDRED ONE HUNDRED SEVENTY-FIVE) only.
- 2) MOILAGATHWN SOIL CONSERVATION PROJECT amounting to Rs. 134.66772 (ONE CRORE THIRTY-FOUR LAKH SIXTY-SIX THOUSAND SEVEN HUNDRED SEVENTY-TWO) only.
- 3) TARANG DWISA SOIL CONSERVATION PROJECT amounting to Rs. 196.94829 (ONE CRORE NINETY-SIX LAKH NINETY-FOUR THOUSAND EIGHT HUNDRED TWENTY-NINE) only.
- 4) SHYAMAGURI BORJHORA WATER HARVESTING PROJECT amounting to Rs. 83.07788 (EIGHTY-THREE LAKH SEVEN THOUSAND EIGHT HUNDRED AND EIGHTY) only.

Details may be seen at website <http://assamtenders.gov.in> and also in the Directorate of Soil Conservation, Assam, Bhumii Shangrakshan Bhawan, R.G.B. Road, Guwahati-05 w.e.f. 01/01/2021 during office hours.

Sd/-  
Director of Soil Conservation,  
JANASANYOG/C/9315/20

No. ACE-38/TECH/KOK(R)/IFB/2016-17/504 Dated Kokrajhar, the 29<sup>th</sup> Dec/2020.

**Tender No. 08 of 2020-21**

**PRESS NOTICE INVITING TENDER**

The Addl. Chief Engineer-cum-Director, PWD, BTC, Kokrajhar on behalf of the Governor of Assam invites bids for Re-construction of road by providing SDBC from (ch. 0.00 to 10800.00 m on Saktiasrasliram to Bhowraguri) under SOPD-G for the year 2019-2020, Kokrajhar West LAC, from approved and eligible contractors registered with PWD (Roads), Assam and Bodoland Territorial Council for a total amount of Rs.2,75,50,679.00 (Rupees two crore seventy-five lakh fifty thousand six hundred & seventy-nine) only.

Details may be seen at the website <http://assamtenders.gov.in> and also in the office of the undersigned during office hours.

Sd/-  
Addl. Chief Engineer-cum Director,  
PWD, BTC, Kokrajhar.

IPR(BTC)-82/2020

**PUBLIC NOTICE**

**(2<sup>nd</sup> PROVISIONAL MERIT LIST OF ASSISTANT TEACHER UNDER SSA, ASSAM AND VERIFICATION OF DOCUMENTS OF SELECTED CANDIDATES)**

No.SS/TT/Engagement of AT/328/2020/8693 Date: 30.12.2020

This is for general information that the 2<sup>nd</sup> Provisional Merit List for the post of Asst. Teacher (Lower Primary, Upper Primary-Social Science, Upper Primary- Maths & Science) on contractual basis under Axom Sarba Siksha Abhiyan Mission in connection with this office Advertisement No.SS/TT/Engagement of AT/328/2020/2609, dated 24.09.2020, has been declared today.

The 2<sup>nd</sup> Provisional Merit List is uploaded in the official website of SSA, Assam (<https://ssa.assam.gov.in>).

The selected candidates of 2<sup>nd</sup> Provisional Merit Lists will have to verify their documents at State Level Documents Verification scheduled to be held at Srimanta Sankardev Kalakshetra (Gate No.3, Open Space, in front of Auditorium), Panjabari, Guwahati on specific date as uploaded in the official website of SSA, Assam (<https://ssa.assam.gov.in>). The list of selected candidates along with their date for verification of documents can be seen at - <https://ssa.assam.gov.in>.

The day wise lists of selected candidates for document verification are already uploaded in the official website of SSA, Assam (<https://ssa.assam.gov.in>). Selected candidates of Provisional Merit Lists are requested to check their name for exact date of verification on which they have to verify their relevant original documents at Srimanta Sankardev Kalakshetra, Panjabari, Guwahati. Further all the selected candidates are requested to bring a set of photocopy of all relevant documents on the day of verification along with their original documents.

In case any selected candidate of 2<sup>nd</sup> Provisional Merit Lists is found to be absent in the State Level Documents Verification on scheduled date, time and venue, then his/her candidature will be summarily rejected without assigning any reason thereof and his/her candidature will not be considered for generation of Final Merit List. No claim/request will be entertained in this regard.

With respect to 2<sup>nd</sup> Provisional Merit List, candidates may submit their complaint/grievance, if any, at State Mission Office of SSA, Assam at Kahilipara, Guwahati-19 in prescribed Format from 01.01.2021 to 02.01.2021 (Specific Format is uploaded in the official website). Complaint/Grievance communicated through FAX, email, phone, postal communication etc. will not be entertained.

The 2<sup>nd</sup> Provisional Merit List is published subject to further verification/authentication of the documents of the candidates and subject to fulfillment of all other procedure. Publishing of names of the candidates in the 2<sup>nd</sup> Provisional Merit List does not confer any right to any candidate to get appointment as Assistant Teacher. The authority reserves the right for further verification/authentication of any information pertaining to the eligibility criteria of any candidate. 2<sup>nd</sup> Provisional Merit List will automatically stand cancelled on publication of the Final Merit List.

All Covid-19 protocols (as stipulated by the government from time to time) should be maintained by all concerned.

Sd/- Executive Director,  
Axom Sarba Siksha Abhiyan Mission  
Kahilipara, Guwahati-19

JANASANYOG/DF/1652/20

## क्रएसियानि राजथावनि जगरेबआव 6.3 गोखैथिनि बांग्रि मावदों



क्रएसिया, 30 डिसेम्बर : क्रएसियाआव मंगलबारआव बांग्रि मावनायखौ मोन्दांथिदों। रिक्टर स्केलआ बेनि गोखैथै 6.3 डिग्रि सुनो मोन्नाय जादों। बोथोर बिफाननि बायदिबला राजथावनि जगरेबनिफ्राय 46 किल 'मिटर खोला साचायाव बेनि मिरु दइमोन। बांग्रि मावनायजों न' बिल्डिंफोरा गोबां ख'हा जादों। बे ओन्सोलआवनो समबारआव 5.2 गोखैथिनि बांग्रिया मावदोंमोन।

जगरेबआव बांग्रि मावनायखौ फुरा क्रएसियाआव मोन्दांथिदों। बेनि उनागयै खाथिनि हादतफोर स्लबानिया, सर्बिया, बस्नियाआवबो बांग्रि मावनायखौ मोन्दांथिबो। क्रएसियानि क्रस्क' निउकिलियार प्लान्खो जारिमिनारि महरे बन्द खालामनानै दोनबाय। प्रेन्टिजा सहरआव माखासे न'फोरा आवुडे खहा जादों। रैखाथिनि थाखाय बेवहाय सान्थि हान्जाफोरखौ थिसिन्दों।

# जौनि बर' गामि

मा एसे समाइना मा एसे रमाइना आय' जौनि बर' गामिया ।  
 फैलाव दुब्लियाव बायदि रोखोमनि दाउ बिरनाय साहा दं हाजो-हाला सारि-सारि बोहैलानाय दैमा-दैसा जिरि-जिरि ।  
 गय-फाथे, थाइजौ-खान्थाल सारि-सारि बायदि फिथाइ-सामथाइनि बारि ।  
 बोथोरनि फिथाइ बोथोराव जानाय बयनिबो नख'राव बिदा-फंवाय अनलायनाय बयनिबो नख'राव सानजाहा माइ बाखि ।  
 खोलाहा ब्लां-ब्लां समाइना आबादनि दुब्लि सा-सान्जा ख'नायाव बाथौ खेराइसालि समयसारदों फुखियाव हांसो-ना थफिनायजों ।  
 बयनिबो नख'राव आगर आखाइनि इसानसालि आघोन दानाव रुमबां-रुमबां माइसालि आय' जौनि बर' गामि ।  
 दैज्तां बोथोराव हालेवनाय है-हा, है-हा गायनाय फुनायनि सावरि-बादालि बैसागु बोथोराव रिउ-रिउ सिफुं सुनाय फ्रिउ-गोम-था-गोम खाम दामनाय ।  
 थिंथ'-थिंथ' जथा दामनायजों रिसारनाय ग'-ग' ग' गलिंग' मिलौदो सेरजा हुनाय बयनिबो गोसो गोरबोखौ सुग्लायहोनाय आय' बेनो जौनि बर' गामि ।

बिरेन खेरकाटारि  
 हान्थाफारा, उदालगुरि

# सिमांनि अनजालु

सोर नों अनजालु रजे साया माया आंजों अराय गेलेफैयो नाथाय सिमांआव ल मोकथांआव मोना मानो नोंखौ ।  
 सानो आं नोंजों लोगोसे जिरायना फोरमायनो गोसोनि खोथा गोदै रावजों ।  
 नोंनि जारौ गुस्थिनि मिनिखेरो मिनिनाइआव जायो आंदि बेसे बोदोर बावलि ।  
 हास्थायो आं नोंखौ अराय मोननो मोकथांआव फैमाल नाथाय साननाया आंनि खालामबाय अनजालु नों आंखौ अरायबो सिमांनि फागोलि ।  
**मिस मिजिं रानी नाजारी**  
**फरायसालि-कक्राझार गाल्स' एड्स एस स्कुल**  
**गामि: गाग्रागुरि**

# बड'सा बादायथिलियाव बाहागो लानाय खन्थाय

# मायानि लैथो

सोर मिथिजोबदों..... ?  
 सोरनि गोबों मिजिज मा गाबनि ।  
 सोर हमदांजोबदों..... ?  
 संसारनि माया लैथोआ बेसे गोथौ ।  
 आंबोथ' मिथियामोन, बुजियामोन दिमोल लैथोनि सिझवबोदि-बेसेबांबा गिखंथाव दाहार दं..... !  
 समायना संसारावबोदि बिजानु दं ।  
 गोबोंनि थैया दिनें आंनि लाथा खादों संसार लैथोनि मायाखौ बिजिरबायाव ।  
 जों मिथिगौ, सुबुंआ अर्बनि गांगा थफा दसेनो देरनाय, गुबुनाय,बुखारलांजानाय थेवब्लाबोदि सुबुंफ्रा लाबोफायो जोनोमजों संसार लैथो बारनो "स' नानि दिङ" ।  
 नाथाय सुजुनांदों हनै फैलाव भुमाव-सोरबा फानफेवाल्लिनि दिखार गोनां देखो सोरबाबा रोजाबनो मोन्दों मिलेहाब मैनानि देखो थारैनो भुम संसारआ मायानि लैथो" ।

कानुन बसुमतारी  
 गामि- 2 नं मिलनपुर  
 ला:सो:- पाटगाव  
 जिला- कक्राझार बि टि सि आसाम ।

# गोसो थोनाया मा ?

नुफा माफा नुसै बनि महरखौ जेरावखि थाया साया माया, बुजि मोना आंबो मानि माया बेलाय ?  
 आंनि मेगनआवल' बनि महर जाखांफैयो नामा अराय सम, जानाय, लौनाय, उन्दुनाय सिमां मोकथां जेरावखि थाया ।  
 आंनावल' ? ना गुबुननावबो, नख नख बे जानो हाया जोनोमाव बयहाबो जिउनि बुंनो सासे थायो ।  
 आंनि मेगनावल' बेयो नख, बयनिबो मेगनाव बिब्दिनो जिउनि अनजालु अनजालिनि महर मुश्री ।  
 बुजि मोना आं गोसो थोनाया मा ?

मिस पडमिनि नाजारी  
 फरायसालि-के.जि. एड्स एस स्कुल  
 गामि- काकर मारी

# अननायनि दौलें

जोनोमनि नैबे थांजासिम होनां, सानदोंमोन आं गोजोने थानो हागोन, गैया नाथाय आंहा गोजोन ।  
 अननाय मोजां मोननाय दंब्लाबो, दुखु दाहानि गेजेरजोंसो ।  
 जिउनि लाइमोन बैसोआवनो होपलांबाय आं नोंनो अननायनि दौलें ।  
 लांनबांय आं दुखु दाहा गोरबो सिनिफ्राय बोहैनाय जिरि जिरी मोदैनि निजोरा राहा गैया हमथा होनां आंहा ।  
 आंनि मेगननिफ्राय बोहैनाय मोदैआ, जानांगो अननायनि रुंगु गैये लैथोनिखा ।  
 दड अननायनि मिजिनि सायाव आंहा, हेंथा हिंसि दावराव दावसि दुखु-दाहा ।  
 रंजानाय मिनिनाय गैया आंहा, हांमा हांसांनि गेजेरजोंसो मिजिं दं ।  
 आंनि लायमोन बैसोखौ विदाय हरनो, अब्ला हरनाय मोननाय नडामोन ।  
 गोरबोयाव बोहैनाय नडामोन मोदैनि निजिरा अननायनि गोदै रावा जाफुंझेब्ला मिजिनि सायाव,  
 मोनगौमोन दिनें सुबुंनिफ्राइ बाखोनायनाय, गोरबोयाव बोहैगौमोन सुखुनि मोदै ।  
**समेन नाजारी**  
**जोंमा बड फरायसालि**  
**प.अ.- फाटगाव**

# दिवाना

हाय ! अनजालि नोंनि हायना महरा खावना लांबाय आंनि आजोला गोसोखौ, दिवाना जाबाय आं नोंखौ जीउनि लामायवाव लोगो मोननौ ।  
 फैलाव हायेननि गेजेराव गेवलां महरै बारखोमाना थानाय नों बारसे समायना गलाव बिबार ।  
 मा' एसेबां हायना गोनां स' ना नोंनि महरा, मा एसेबां मुहिनि गोनां नोंनि गोदै रावआ ।  
 जाना थाबाय अनजालि नोंनि महरा' आंनि गोरबो इंसियाव अरायनि थाखाय गोमोर रोडे थाज महल जाना ।  
 नोंखौदि आं बेसेबांबा मोजां मोनबाय-स' रि-सरि- चुपके-चुपके जालांबाय आं दिल तो पागल है ।  
 आजोला बैसोनि आलासि जीउयाबो नोंखौ लानानै जालांबाय दिवाना !!!

बिसारसिं बसुमतारी  
 जन्' ता कलेज सेरफांगुरि  
 गामि- पाटगाव ( उलुबारि )

# रंजालि गथ' फोरनि सौरा

# नों फैफिन माब्लाबा

-जनक उजिर

नोंदि एरायलांदो दोंसे लामाजों गले-गले बाइदि समाइना गोदै रावफोरखौ आंदि दोनखोमा फिन्नाडे ।  
 माब्रैथो सानखो नों जेसेखि नों होखोमाया नोंनि मुश्रीयानोथ' हनै बुडे बिदिब्ला आंनि दाइया ?? ?  
 आं मिथिगौ नोंनि बिखाया इनाइखौदि इसेबो सहाइया बेखाइसो नामा नों आगानफ्रामबो दग' -मग' !!!  
 बाइराव गंसे देरायावनो बिमाजों उन्दुबोनाइ उप्ले-उप्ले फुथिया-फुथिया सोलौनाइ सानैजों अ,आ बिमानि राव दाखालिसो बे देरायावनो खोनासंनइ दुखुनां बडनि जाइमिन सल' दिनें गोसो गैयाब्लाबो मानोबा नों बावगारनो सानो ।  
 नंखाइ दाइयाव बोरावप्लेनानै मंगिललायोल' जों सानैजों !!!  
 थेवबो फैसि-फैसिल' आं बेयो बाइप्लेनाइ देराखौ फाहामफिनो जेराव थागोन नों-आं आरो..... ।

# आगै स'ना ददरे फांदां

नोंनि हायना गोनां महरआव आवलिबाय आंनि गोसो गोबोंआ ।  
 आदै मद, जान्जिया नोंनि मोज्ज्याय जान्जि, गन्थंआ नारेंसु बायदि, खावलाय नोंनि गोजा फाउदुद जागा जागा आंखौ खुदुमफै आदा आंखौ खुदुम होनलायनाय बिखा गोजौ गोजौ, हाथायआ रिगि रिगि समायना गुफुर, खानाइआ नोंनि रुमबां, आखाइआ लाहि मिहि, गोदोना फेले आसिगुर गोलाउ, रावआ नोंनि बेरे बिदै बादि गोदै गेस्रेम ।  
 मा एसेबां समायना आगै नोंलाइ नोंखौ बे जोनोमाव मोनाब्ला सामथाइ बिफांआव दिन्दां गोदोनायाव दौलें लागायनानै थैगोन आं सयथि सयथि थैथारगोन स' ना फांदां ।

भद्रेस्वर सर्गीचारी  
 फरायसालि-सालबारी कलेज  
 ला:सो:- बेतबारी  
 जिला-बागसा बड' लेण्ड,

# गोरिब सुबुंनि मोजां मोननाय

मोजां मोनदोंमोन आं नोंखौनो गोबों बिखाजों गोसो गोबोंनि अन्यायखौ नोंनो नो होजेब दोंमोन आं ।  
 आंनि अन्याय होनाया नोंनि थाखाय थोथै-लोमै; गोसोम महर लाना जायो नों आंजों मानिबा रागा-रागा ।  
 आंनि दुखु दाहानि खौरं फोरमायो नाथाय नों मिनिनानैनो खोमाखौ फांथेयो, आंनि अन्याय होनायखौ नेवसिबाय नों आंखौ-गोरिब सुबुं होननानै ।  
 दुखु थाबाय आं अनजालि नोंजों बे जोनोमाव जुलि जानो, सा-सात्रां गोसोजों नोंखौ मोजां मोनदों होननानै-आं सानाखैमोन अनजालि ।  
 नोंनि आंनि दानदिसे मोजां मोननायनि रावआ आंनि-बिखायाव बावनो हाये थफ्ला खानानै थाबाय अनजालि बे आंनि गोरिब जिउआव ।

उपेन्द्र बसुमतारी  
 फरायसालि- जायनारी एड्स एस स्कुल  
 ला:सो:- सिम्बरगाव  
 जिला- कक्राझार बि.टि.सि. आसाम,

# नागिरनांगो

लाल महन बसुमतारी  
 ( बिजनी )

बे मोनसे थुनलाइनि धोराम मुलुगाव दावगाख'नो हाये हरि-माहारिनि राव-थुनलाइखौ; बै गोजौयाव दावगा लौनायफोरा-गाहाम नोजैर.....  
 लोगोयाव लामा दोंसेयाव सौहैनो नाजानांगो ।  
 नागिरनांगो थांखिया जौनिया, गोहो सोनायखौ.....  
 मोनसे हादोतनि सुबुं अनछाइ राहानि बिजिरिथ फारिलायखौ.....  
 जाहाथे बैसोरनि सोलौंथाया अनगोथे जाया; सिमानि गेजेराव अनसुंथायनि मदद मोननाया गाहाम ।  
 नागिरनांगो सोलौंथाइनि राहा बेयो मुलुगानिनो मोनसे गिदिर बाहा; जेराव बिदै गलानि आंथियाव.....  
 गोबां दुखु-जाला सहायनांगो जानायाव, मोनसे हरि-माहारिल' नख दुलाराय मुलुगआनो जिगा सिनांगो जायो ।  
 मुलुगनि देरसिन बिमुड मा ? गुबुन-गुबुन हरि-माहारिनि राव, बेनि गेजेराव सोलौंथायनि समायना दाव, मुलुगनाडे गावनि महरखौ लानानै बिरलंगोन, बयनिबो नोजोराव जेब्ला गोर्लैमोन, गाहामखौ नागिरसुला सासे सोद्रेम सुबुं जानो नाजाथारगोन ।  
 गुबुन-गुबुन रावनि गनायथि मोननाय दावगायान-गावगायै थुनलाइ बेयोथ' अराय मुलुगाव.....  
 सोदोमसि गोनां हरि-माहारि, जौगाखां खालामनायनि थुलुंगा नागिरनांगोयाव, हिंसा-नासयनाय नागारनानै खौसेथियाव फेनो नाजानाया गाहाम ।  
 हारिमा खौसेथियाव जैरे नागिरनांगो बेबादिनो थुनलाइ मुलुगावबो सौहैनो लुबैनांगो; बेवहायनो सुबुंफोरनि गोसो गोबों होलायनो हानाया, दुखुनांथाव संसारनिफ्राय सोलाय-सोल' सोदोमसिजों, थुनलाइ आयदायावो.....  
 मुलुग गोजोनलाय आयदानि बिबान नागिरे-नागिरे संलांगसिनो ।

# मबाइल

मदन चन्द्र ब्रह्म  
 बंसिगाव ।

आंनि मुड मबाइल आं मानसिफोरनि मोजां लोगो जाय आंखौ बाहायो बियो सानफ्रोमबो सानसे आंखौ बाहायनो, मोनाब्लानो गोसोखौ खेंखुर-खेंखुर मोनबाय थानाय बायदि मोनो ।  
 आं गोबां खेलाबो गेले जायो, जैरे मानसिनि सावगारि, बायदिदिसना रोखोम-रोखोम सावगारि सेबखांनाय, मोजां-मोजां, बर' केसेट, हिन्दी केसेट, इराजी केसेट, असमीया केसेट, बांला बायदि बायदि गानजों लोगोसे, मिउजिक फोरखौबो आं सेबखांन लानानै मानसिफोरनो खोना संहोनो हायो आं बिगियान मुगानि मोनसे बिगियाननि गोमोथाव होनाय होथाय ।  
 आं दिनें सुबुं माहारिनि गेजेराव उजिनानै आंनि बिसुगे बादि खालामनानै लानो साननायानो आंनि गुबै मिजिक आरो थांखि आं मानसि माहारिनि खाथि, गोजान, मटर, गारिजों सानसे, साननै, सानथाम, बेनि बांसिन समनि गेजेरावबो खौरं होनो हायेखौ आं गोरलेथैनो खम समनि गेजेरावनो खाबुखौ होनो हागौ ।  
 आं मबेबा मबेबा टावर गैथै जायगायाव नाड लासैबो थानो हायो ।  
 आंखौ मोजाडे बाहायफुंनोब्ला खाथि गोजान टावर गायसनानै होब्लानो आं गासैबो जायगानि सुबिधाफोरनि राहाखौ मानसिफोरनो जगायो हायो ।  
 आं दिनेंनि बे मुगायाव सेंग्रा सिख्लाफोरनि साबसिन लोगो जाबावबाय ।  
 आंनि दारैनो नों बबे जायगायाव दं होनना सोब्ला, आं नै बे गौरां सेरावनो दं होनना गुबुननो फोरमाय हरनो हायो ।  
 आं सेंग्रा-सिख्लाफोरनि गोसो थोलायनायनि सुबिधानि लामाखौबो होनो हायो, आं सारा बुहुमखौनो साग्लोबनानै जानो हाब्लासो आं गोजोनगोन ।  
 फे आंनि खाथियाव सनाफोर आं होंगोन सुबुं माहारियाव अरायबो मुलाम्फा आरो मदद ।

## आसाम आइन आफाद जथुमाव बर’ रावआ आसामनि मावख ‘घारि लोगो राव आरो बि ..

आयदाखौं लानानै सदननि गेजेराव एसे दान्थे–बिदान्थे जानायखौं नुनो मोन्दोंमोन। आसाम सरकारनि बर’ रावखौं राइज्योनि लोगो राव महरै खालामनो आइन आजावनानै लानाय आयदाखौं रायखानानै कंग्रेस दोलोनि एमएलएआ बुझेदि, बर’ रावखौं सा १४ लाख सुबुंफोराल‘सो बाहायो। नाथाय आसामाव सा ९० लाख सुबुंफोर बाहायगासिनो दइ। बेनिखायनो बेंगली रावआ आसामाव राइज्योयारि राव महरै गनायथिजानायनि मोन्थाय दइ होन्नानै बुझे। बेजों लोगोसेनो बिटिआरनि बाइजोआव थानाय बर’ फिसाफोरनि थाखाय गोबाव बोसोर सिगॉनिफ्राय दाबि खालामबोबाय थानाय आरो हास्थायबोनाय बर’ कसारि अयेलफेयार अटनमास काउन्सिल दाफुंनयाबो दिनें मोखथाइव आबुं महर मोनो। बिटिआरनि बाइजोआव थानाय बर‘फोरनि थामोन्था, रैखाथि आरो जौगाथायनि थाखाय बिटिआर गोरोबथानि ५.१ दफायाव मख‘नाय बायदियै बिकेडब्लिउएसि आइनआबो दिनें आइन आफाद जथुम्मानि जोबथा सानखालि गनायथि मोनो। मन्थि चन्द्र महन पाटवारि आरो हिमन्त बिश्व शर्मायां बे आयदनि सायाव बिबुंथि लाखिनानै बुझेदि, बिटिआर गोरोबथानि गोजेरजों बर’ रावखौं राइज्योनि सरकारि लोगो राव महरै लाबोनाय जादों। मन्थिआ बुंबावोदि, बराक हायेननि मोनथाम जिल्लानि सरकारि रावआ बेंगली महरै बाहायजागासिनो दइ। बेनिखायनो दुलाराय आसामआव बांला रावखौं लोगो राव महरै गनायथि होनायनि गोनांथि गैया होन्नानै बुंथियो। गुबुन फार्सेंथि कंग्रेस दोलोनि एमएलएआ गावनि आयदाखौं लानानै सरकारनिंसिम मावफुंनयनि राहा लानो गोवां दाबि खालामनायखौं नेवसिगारो। दिनेंनि जोबथा साननि बिधान सभा जथुम्मानि सदनआव बर’ रावआ राइज्योयारि लोगो राव महरै गनायथिजानायनि आइनखौं बराहोनो हानाया दुलाराय बर’ हारिनि थाखायनो मोनसे रंजाथाव आरो गोग्माथाव जादों। मानोना आसामाव बर’ रावखौं राइज्योयारि जर‘खा लोगो राव महरै बाहायनांगीनि थानाय गोलाव बोसोरनिफ्रायनो बर’ आफादफोर सरकारनिंसिम दाबि खालामबोबाय थादोंमोन आरो बे दाबिखौं आथिखालनि बिजेपि दैदेन्नाय सरकारआ मावफुंनानै होबाय।□

## ३३ थि गुवाहाटी बिजाब मेलाया जागायबाय

बान्था हिसाबै थानेस्वर शर्मानो गांसे फोरमान बिलाइ, माखासे बिजाबफोर आरो २ लाख रंनि गांसे चेक बिलाइ होनाय जायो। गिबि मन्थिनि मिडिया एडभाइजार ऋषिकेश गस्वामी आरो गुबुन गोवां गोजू थाखोनि बिबानगिरिफोरा बे बिजाब मेला बेखेवनाय हाबाफारिनि गेजेरजोंनो गासै गां १२ गोदान बिजाबफोरखौबो बेखेवनानै होदों। हाबाफारिआव गावनि बिबुंथि लाखिनाय समाव गस्वामीआ बुझेदि, बिजाबआ सुबुं रोंगथिनि मोनसे बाखि। बिजाबखौं जेब्लायबो फरायनायनि हुदाया बयनावबो थानांगौ। मानोना बिजाब फरायनायनि गेजेरजों सासे सुबुइा गावनि गियाननि बाखिखौं बुंहोनो हायो आरो बे गियानखौं बाहायनायनि गेजेरजों सासे फुंखा सुबुं महरै गावखौं सिनायथि होनो हायो आरो समाजखौं गेबें लामाजों दैदेनलोनो हायो। बे हाबाफारियावनो त्रिपुरानि बाराग‘ राइज्यो बेंगिरि आरो मुंदांखा मेलेमजबि थाता गाता रयआबो माननि आलासि महरै बाहागो लानानै बेसेन गोसा बिबुंथि लाखियो। बिथानि अनगायैबो बे हाबाफारियावनो अरुनाचल प्रदेशनि मुंदांखा थुनलाइगिरि आरो साहित्य अकाडेमि बान्था मोनोना हानाय येसे दर्जि तंसी, पाब्लिकेसन बर्ड आसामनि लेइाइ मासिगिरि आरो मुंदांखा लि्रगिरि सुमल सलिहा, सोलोंथाय बिफाननि नेहातारि दिपक मजुमदारमोनजों लोगोसे गुबुन गोवां लि्रगिरि, थुनलाइगिरि आरो गोजू थाखोनि बिबानगिरिफोरबो बाहागो लादोंमोन।□

## बि पि एफ दोलोआव दैदेनगिरिफोरनि दोलो नागरानाया सोलिगासिनो

दोलोआ लेरबां जालॉनार्यनि लामायाव फैदों। अदेबानि सासेनि उनाव गुबुन सासे दोलॉनि दैदेनगिरिफोर गुबुन दोलोआव थानाय एबा हाबहैनयाखौं नुनो मोन्दों। मिबथिनाय बादिब्बा, बिटिसिनि बाराग‘ मावफुं सोद्रोमा आरो धोनसि बियाबनिफ्राय एआइइउडिएफ दोलोनि जानानै बिसायख‘थियाव बाहागो लानाय मिताराम बसुमतारिआ इउपिपिएल दोलोआव दिनें बुधबारखालि दोलोनि मोनसे खुंनाय मेलनि गेजेरजों दोलोआव हाबो। बाराग‘ मावफुं सोद्रोमा मितारामआ गावनि जौसेनिबो बांसिन हेफाजाबगिरिफोरखौं लानानै इउपिपिएल दोलोआव हाबनाय लोगो लोगो गोजेनोनाय फोरमायदों। मख‘नो गोनांदि, बै समनि बिटिसि खुंथायव २००५ निफ्राय २०१५ माइथायंसिम मावफुं सोद्रोमा महरै बिबान सामलायबोदोंमोन। नाथाय थानाय बिटिसि बिसायख‘थियाव बिपिएफ दोलोनि टिकेट मोनैजों खुदिरिखानानै एआइइउडिएफ दोलोनि जानानै धोनसि बियाबनिफ्राय बिसायख‘थि गेलेयो। मिबथिनाय बादिब्बा, मोनसे समाव मिताराम बसुमतारिआ बिएलटिनि सासे गोजू थाखोनि दैदेनगिरिमोन। नाथाय थानाय ब्रैथि बिटिसि बिसायख‘थियाव मिताराम बसुमतारिआ बिपिएफ दोलोनिफ्राय टिकेट मोनैजों गुबुन दोलोनि जानानै बिसायख‘थि गेलेयो। मिताराम बसुमतारिआ इउपिपिएल दोलोआव दिनें हाबनाय लोगो लोगो बिखौं बिटिआर खुंथायनि गाहाय खुंगिरि प्रमद बर’, लेइाइ गाहाय खुंगिरि गबिन्द चन्द्र बसुमतारिआ आर‘नाइजों बरायो। गाहाय खुंगिरि प्रमद बर‘आ बुझेदि, दोलोआ ओन्सोलनि अन्सायनाय आरो जौगाथायनि थाखाय खामानि मावलांगोन। जुथाय सरकारआ सुबुंफोरनि जेनाफोरखौं उदॉ खालामनो थाखाय गोखै खामानि मावगोन होन्नानै बुंथियो। गुबुन फार्सेंथि बिटिसिनि बाराग‘ मावफुं सोद्रोमा बन्जार दैमारिआबो दिनें उदालगुरि जिल्लायाव खुंनाय मोनसे मेलनि गेजेरजों बिजेपि दोलोआव हाबो। बन्जार दैमारिआ कालिंदुवार बियाबनिफ्राय एमसिएलए महरै थार्माथि खेब बिसायख‘जादोंमोन आरो थानाय बिसायख‘थियाव इउपिपिएल दोलोनि बिजाथि दिलिप कुमार बर‘नि आखाइयाव जेन्नो गोनां जायो। दासान्दि बिपिएफ दोलोआव दैदेनगिरिफोरनि गुबुन दोलोआव बारस्लायलॉनाया दोलोखौं गुलाय–गुजाय खालामनार्यनि अनगायैबो लोरबां खालामदों। मख‘नो गोनांदि, थानाय बिटिसि बिसायख‘थियाव इउपिपिएल दोलोआ मोन १२, बिजेपि दोलोआ मोन ९ आरो जिएसपि दोलोआ मोनसे मासिखौं देरहानो हानानै बिटिआर जुथाय सरकार दाफुंनो हायो।□

## गेनाखान्थिजों लोब्बा थानाय सासेबो सुबुंखौनो रेहाय होनाय नइः मावफुं सोद्रोमा रन्जित

गाहाय खुंगिरि प्रमद बर‘नि दैदेन्नाय जुथाय सरकारनि गुबुन सासे गोखों मावफुं सोद्रोमा रन्जित बसुमतारिआ उदालगुरि जिल्लानि टंलानि मावख‘आव सौंहैयो आरो मावख‘नि सायाव खोंरं लायो। मख‘नो गोनांदि, गाहाय खुंगिरि प्रमद बर‘ आरो मावफुं सोद्रोमा रन्जित बसुमतारिआ बिपिएफ दोलोनि समाव कालिंदुवार बियाबआव बाराग‘ एमसिएलए आरो बाराग‘ बुंथिगिरि बन्जार दैमारिआ बे बियाबआव राइजो–रजाफोरनि जौगाखां होनायनि फार्सें फेलें जादों होन्नानै बुंथियो। दैमारिनि समाव टंला मिउनिंसिपाल बर्डनि सिइव थानाय टंला गोजूसिन फरायसालिनि गेलेग्रा फोथारनि गोवां लाख रं बाहायनानै लुफुंनाय खामानिआ आद्रा जानाय, टंला सानफ्रोमबो जानाय बाजार आरो सप्ताहिक जानाय बाजारनि जौगाहोनाय राहा आरो सहरनि माखासे वार्डनि दै थॉग्रा नाला लुफुंनार्यनि मुइव गोवां गेनाखान्थि नुजाथिनाय बेफोरखौं दिनें मावफुं सोद्रोमा रन्जित बसुमतारि, कालिंदुवार बियाबनि इउपिपिएल दोलोनि बिसाइख‘जानाय एमसिएलए दिलिप बर‘आ जुथायै संदानाय जागोन होन्नानै खौरंगिरिनि सिगाइव बुंथियो। मावफुं सोद्रोमा रन्जित बसुमतारिआ बुझेदि, गेनाखान्थिजों लोब्बा थानाय सासेबो सुबुइजोन रेहाय मोन्नाय नइ। जॉनि सरकारआ सोलायनार्यनि मुइव खुंथायाव फैनानै राइजो–रजाफोरनि थाखाय खामानि मावनानै होनायानो खुंथायनि गाहाय थॉखि होन्नानै खौरंगिरिनि सिगाइव बुंथियो।□

## मिरु सरकारआ करनानि गोदान स्ट्रेनखौं ...

३१ जानुवारीसिम बांहोनाय जाबाय। बेनि सिगॉं भारतआ करनानि गोदान स्ट्रेनि जाहोनाव ब्रिटेनिफ्राय थानाय–फैनाय फरॉं जाहाजफोरखौं ७ जानुवारीसिम बन्द खालामनो फोसावनाय जादोंमोन। नाथाय थासारिखौं नोजोर होनानै बे समाव सरकारआ उरॉं जाहाज होबथानाय सम सिमनाखौं ३१ जानुवारीसिम फोलावो। बे आयदानि बागै दिनें मन्थि हरदिप सिं पुरिआ फोसावंथि होदों। करना भाइराय महामारिनि जाहोनआव थानाय २७ मार्चनिफ्राय बारतआव हारिमायारि उरॉं जाहाज सिबिथायखौं बन्द खालामनाय जादोंमोन। नाथाय जर‘खा हारिमायारि उरॉं जाहाजफोरखौं मे दाननिफ्राय बन्दे भारत मिसननि गेजेरजों सिबिथाय होफिन्नाय जादों। दिनें देहा मन्थि आफादआ मोनसे रिपर्ट फोसावनाय बादिब्बा, ब्रिटेननिफ्राय भारतआव फैनाय सा २० सुबुंफोरनि देहायाव करनानि गोदान स्ट्रेनखौं मोन्नाय जादों। बिसोरनि गेजेराव दिल्लीनिफ्राय सा ८, कलकतानिफ्राय सासे, बेंगालुरुनिफ्राय सा २, मेरुतनिफ्राय सा ३।□

## बि टि आरनि सिमनाया लावगोन : लरेन्स इसलारि

आफादगिरि निर्जय ब्रह्मआ। बेबादिनो फुंनि ८.३० रिंगायाव मुंख्लंफोरनो बिबार बाउजेनो सा कक्राइार दख‘रा दुलाराय बर’ फरायसा आफादनि आफादगिरि मनमहन हाजवारिआ। बेबादिनो उन्दै उन्दै फरायसुला–फरायसुलिफोरनि खन्थाइ आवरायनाय आरो सावगारि आखिनाइ बादायनाय हाबाफारिखौं बेखेवनानै होयो दख‘रा एबसुनि नेहाथारि मनज कुमार हाजवारिआ। सान्जौफुनि १२.०० रिगानिफ्राय दख‘रा दालाइसा आफादनि आफादगिरि निर्जय ब्रह्मनि मासि दैदेन्नायाव गेवलां मेलआ जागायो। गेवलां मेलआव गाहाय आलासि महरै बाहागो लायो बिटिआर गोरोबथानि गुबुन सासे सागानगिरि एबा दुलाराय बर’ फरायसा आफादनि गाहाय नेहाथारि लरेन्स इसलारिआ। बिथाइ गावनि बिबुंथियाव बुझेदि, बिटिआर गोरोबथाखौं जायफोर सावरयदों, मुं सुदों बिथॉंमोननि बुंनायखौल‘ खोनासइलासे गावबो फरायनानै नाय। अब्लानो बुजिनो हागोनदि थारैनो बिटिआर गोरोबथायाव मा दइ आरो मा गैया। बिथाइ बिटिआर गोरोबथानि गेजेरजों मोनोना हनाय जौगा थाखोनि फसंथान आरो हारिनि मुलाम्फानि बागै गुवारै फोरमायथियो। गुबुन फार्सें बोहैथि समनि गेजेराव माखासे राइजो–रजाफोरखौं सोरबा इएम, मन्थ्रफोरनि दरखं–दरखं १००–२०० रंनि थाखाय आगान हैयाहासे जायखि–जाया सरकारि सुबिदा मोन्थाव सुबुंफोरा सरकारि सुबिदाफोरखौं मोनफुंनो हायाखैब्बा थोंजोडे फैनानै फोरमायफे आरो माबाफोर बुंनो गोनां दइब्बा फैनानै बुंफैनाया मोजां होन्नानै गुरैयै खावलायो। बेनि थाखाय गासै राइजो–रजाफोरखौं मदद आरो हेफाजाब खालामलॉनो बिथॉं इसलारिआ खावलायो। बेबादिनो जेबोइद थाबैनो जिरायथ‘ भिसिडिसिआ जेब्लासिम भिलेज काउन्सिल दाफुंनार्यनि राहाया मावफुंजाया अब्लासिम दाफुंजानो थॉंगासिनो दइ होन्नानै मिबथिहोयो। गेवलां मेलआव आसुनि लेइाइ आफादगिरि नबन्पति रय, देवरागाव बर’ थुनलाइ आफादनि आफादगिरि मनरन्जन बसुमतारि, नेहाथारि रिखॉं बसुमतारि, कक्राइार जिल्ला सावथाल फरायसा आफादनि नेहाथारि बिजु हासदा आरो गुबुन गुबुन बिबानगिरिफोर बाहागो लादोंमोन। आलासि सिनार्यथिहोनाय हाबाफारिखौं दैदेन्दोंमोन बिदाइ एबा बाराग‘ गाहाय नेहाथारि जॉंखां बसुमतारिआ। गेवलां मेहेरगोनो बिबुंथिजों बेखेवनानै होदोंमोन कक्राइार जिल्ला दुलाराय बर’ फरायसा आफादनि गाहाय नेहाथारि सोमदोन ब्रह्मआ। एरैहाय फैगौ २०२१–२०२३ माइथायनि थाखाय निर्जय ब्रह्मखौं आफादगिरि आरो देमालु बसुमतारिखौं गाहाय नेहाथारिनि बिबान होनानै गोदानै मोनसे मावफुं आफादखौं दाफुंनाय जायो।□

### इउ पि पि एल–बि जे पि दोलोआ ....

इउपिपिएल दोलोआ लोगो महरै बाहागो लागोन। बेफोर बाश्राखौं दिनें भवानीपुर बियाबनि सरुपेटा मिलन मन्दिनि लॉंगोनायाव खुंनाय इउपिपिएल दोलोनि मेलआव दोलॉनि मावफुं आफादगिरि रोनगोर नार्जारिआ बुंथियो। इउपिपिएल दोलॉनि सालबारि जिल्ला आफादनि आफादगिरि जगेस्वर बसुमतारिनि मासि सामलायनायाव खुंनाय हाबाफारिआव गाहाय नेहाथारि बिन्द मोसाहारिआ मेलखौं जागयजेनो आरो बे मेलावनो दोलोनि नेहाथारि दिराज डेकाया बिबुंथि लाखिनायजों लोगोसे आलासि महरै बाहागो लाबावदों इउपिपिएलनि मिरु आफादनि दैदेनगिरि बिउटि बसुमतारि, सुरेश सरकार, सौरभ कुमार दास, कनक चन्द्र बर’, सिलाराय बसुमतारि, सत्यजित बर’ आरो गोबां दैदेनगिरिफोरबो बे मेलआव बाहागो लादोंमोन। लोगोसे बे मेलावनो बिटिआर खुंथायनि बुंथिगिरि कतिराम बर‘खौं गुबुन गुबुन आफादफोर बरायनाय जायो। लोगोसे बे मेलाव बशिशु चौधुरीखौं आफादगिरि, महिबुल इरुखौं गाहाय नेहाथारि महरै बिबान होनानै सा ९५ सोद्रोमाफोरखौं लाफानानै इउपिपिएलनि भवानीपुर ब्लक आफाद दाफुंनाय जायो।□

## फैगौ ७ आरो ८ जानुवारीआव कक्राइार दख‘रा एबसुनि १३ थि नै बोसोरारि जथुम्मा

अक्टखालि खुंगा १३ थि नै बोसोरारि जथुम्माखौं खुंफुंनो थाखाय थि खालामनाय जादों। बे नै बोसोरारि जथुम्माखौं गोजोनै आरो मेहेरगोनाडे खुंफुंनार्यनि नोजोरजॉं दिनें बान्जाय आफादनि मावखुलिखौं बेखेवनाय जायो। हाबाफारि बादियै गिबि सानखालि थामहिनबा ७ जानुवारीखालि हाबाफारिआ फुंबिलि १०.०० रिगानिफ्राय जागायगोन। हाबाफारि बादियै फुंबिलि १०.०० रिंगायाव गाहाय साइनासालि बेखेवनाय, थुनलाइयारि बादायलायनाय, थान्दैफोरनि मुं आजावनाय, दइ‘रा आफादनि मावफुं मेल, थान्दै हल बेखेवनाय, हारिमु बादायलायनाय, मोनाबिलि ५.३० रिंगायाव बर‘नि माहारियारि रंसारिफोरखौं गोसोखानानै आलारि बाथि सावनाय जागोन। बेनि अखाफयै थामहिनबा ८ जानुवारीखालि हाबाफारिआ फुंबिलि ८.०० रिगानिफ्राय जागायगोन। हाबाफारि बादियै फुंबिलि ८.०० रिंगायाव आफादनि फिरफला बिहोनाय, मुंख्लंफोरनो मान बाउनाय, गोजाम मावफुं आफादखौं सिफायनानै गोदान मावफुं आफाद दानाय, गेवलां मेल आरो २०२० इं माइथायनि मेट्रिक आन्जादआव सेथि मासिआव उश्रिसार जानो हानाय दख‘रानि सिइव थानाय फरायसाफोरनो मान बाउनाय जागोन। मख‘नो गोनांदि, बे जथुम्मानि जोबथा सानखालि गेवलां मेलआव गाहाय आलासि महरै बाहागो लागोन दुलाराय बर’ फरायसा आफादनि गाहाय नेहाथारि लरेन्स इसलारिआ। लोगोसे जर‘खा हांखायजानाय आलॉसि महरै बाहागो मेचखौं लागोन बिटिआर सोलोंथाय बिफाननि बिथोनगिरि जगदिश प्रसाद ब्रह्मआ।□

# भारत आरो अफ्रेलिया क्रिकेट हान्जानि गेजेराव गेलेनो गोनां ३ थि टेस्ट मेचआव कभिडनि साया गोग्लैदों

**सिडनी, ३० डिसेम्बर:** भारत आरो अफ्रेलिया क्रिकेट हान्जानि गेजेराव दासान्दि टेस्ट सिरिज गेलेनाया गुबुन गुबुन क्रिकेट स्टेडियमआव सोलिगासिनो दों। मख‘नो गोनांदि, भारत आरो अफ्रेलिया क्रिकेट हान्जानि गेजेराव सानसेयारि क्रिकेट सिरिज आरो टि-२० क्रिकेट सिरिजखौं गेलेखानार्यनि उनाव दासान्दि मोनब्रँ मेचनि टेस्ट सिरिजखौं गेलेबाय थानार्यनि

गेजेराव दासिम १–१ मेचजों समान–समान जानानै दं।अफ्रेलिया हान्जायारि सिरिजनि गिबि टेस्ट मेचखौं देहानो हनायनि उनाव नैथि टेस्ट मेचखौं भारतनि हान्जाया देरहानो हाफिन्दों। जाहोनाय फैगौ ३ थि टेस्ट मेचखौं भारत आरो अफ्रेलिया हान्जानि गेजेराव सिडनी क्रिकेट स्टेडियमआव गेलेनो थाखाय थियारि जानार्यनि सिगॉंनो कभिड–१९ नि साया गोलैनाया

गेलेगिरिजों लोगोसे सुबुंफोरखौं गिखोंहोनाय खालामदों। थानाय मोन्नै टेस्ट मे चआव नायग्रा अन्सायारिफोरखौं स्टेडियमआव थिसनार्यनि उनाव हरखव कभिड–१९ नि साया गोलैनाया थारैनो जिगासिथथाना जादों आरो बे मेचखौं लानानै नाग्रा सुबुंफोरबो गोनों–गोथोथाव गोग्लैदों।सिरिजनि ३ थि टेस्ट मेचखौं फैगौ २०२१ माइथायनि ७ जानुवारीनिफ्राय मोनै

हान्जानि गेजेराव गेलेगोन।दासान्दि कभिडनि सांग्रांथिखौं मोन्नानै सिडनी क्रिकेट स्टेडियमआव रैखाथिनि राहाखौं गोखों खालामनायबो जादों। अफ्रेलिया क्रिकेट हान्जानि सि इ अ निक हक्लेआ बुंनाय बायदिब्बा फैगौ ७ जानुवारीनिफ्राय ३ थि टेस्ट मेचखौं गेलेनायनि उनावनो ४ थि टेस्ट मेचखौं ब्रि ससेन्ड क्रि के ट स्टेडियमआव गेलेयो। बे मोन्नै

हान्जानि गेजेराव गेलेगोन ३ थि मेचखौं लानानैस्टेडियमखौं दरुथान्दि साखों–सिखोन खालामनायबो जादों।मख‘नो गोनांदि, कभिड–१९ नि गोहोम गोलैनाया सोलिबाय थानायजों दासिम गोबां गेलेमुनि बादायलायनायखौं बोखायरा‘नो गोनां जानार्यनि उनावबो अफ्रेलिया हादतआव गोखों रैखाथिनि गेजेरजों टेस्ट क्रिकेट गेलेनायखौं खुंनाय जादों।□

## आसाम सरकारआ सिगाइव फोसावखानाय...

फोसावनायखौं ट्राइबेल साहित्य सभाफोर जेबो हँथा होयाखैमोन। बेबादिनो बे रंखान्थि हेफाजाबखौं दिहुन्नानै हरनार्यनि गोनां राहाखौं दासान्दि आजावनानै लादों होन्नानै मोनसे जर‘खा सुलुनि गेजेरजों मिबंथिनो हादों। बेनि थाखाय बिथॉनिंसिम साहित्य सभाया साबायख‘र बाउयो। गुबुन गुबुन ट्राइबेल रावजों लोगोसे गुबुन गुबुन हारि–हारिसानि लि्रगिरि, थुनलाइगिरिफोरखौं गोसो थुलुंगाखां होनार्यनि थॉखिजों आसाम साहित्य सभानिफ्राय सा २००, बर’ थुनलाइ आफादनिफ्राय सा १०० आरो गुबुन गुबुन हारि–हारिसानि साहित्य सभानिफ्राय सा ५० लि्रगिरिफोरनो ५० रोजा रॉं हेफाजाबखौं बे बिथॉथिनि गेजेरजों हरनो लानाय गुबुन मोनसे रायखॉंजाथावना बिफाव लानाया साहित्य सभाखौं गोजेनग्लाय होदों आरो बे बिथॉंखिखौं आबुडे जाफुंसार होनो थाखाय खुंनाय सभानि गोथार सदनआवनो बिथॉनि हेफाजाबजों साफ्रोमनिबो सुबुरुन लानानै लि्रगिरिफोरनि सायख‘नाय माखासे नेमखान्थिफोरखौं फोसावना होनाय बादिब्बा, बेयाव लि्रगिरिफोरनि जेबो बैसोनि सिमना थानाय नइ, लि्रगिरिफोरा गांसे लाइसि सेबखानाया गोनां जागोन। साहित्य सभाफोरा गाव–गावनि राव–थुनलाइनि लि्रगिरिफोरनि मुंखौं सायख‘नानै गोजूं सोलोंथाय सामलाय मावख‘, काहिलिपारनि बिथोनगिरि सावख‘आव फारिलाइखौं जमा होनो हागोन, लि्रगिरिफोर सरकारि साखि मावनाय–मावै बेनि जेबो बाश्रा रायखॉंनाय गैयामोन। बेबादिनो फोसावनाय नेमखान्थिखौं मानिनानै इन्ड्जेनियास ट्राइबेल साहित्य सभानि बांसिन सभाफोरनो गाव–गावनि राव–थुनलाइनि गासैबो बिथिंखौं नोजोर होनानै लि्रगिरिफोरनि सायख‘नाय हाबाफारिखौं लानो हानानै थानाय २०२० माइथायनि मार्च दाननि गेजेरावनो आथिखालनि गोजूं सोलोंथाय सामलाय मावख‘, काहिलिपारा सामलाय मावख‘आव फारिलाइखौं जमा होनाय जादोंमोन। नाथाय बे बिथिइव थानाय समफोराव आसाम सेबखॉंग्रा बर्डआ फोसावनाय नेमखान्थिखौं लानानै लि्रगिरिफोरनि थोसोआव सॉंथि फैदों आरो गिबि मन्थिआ गुबुन गुबुन हारि–हारिसानि राव–थुनलाइनि फार्सें गिबि खेब आजावनानै लानाय बे थॉंखिनि बाश्राखौं फोसावनायनि उनावबो मा जाहोननि थाखाय फोसावखानाय नेमखान्थिया सोलायनांगीनि गोनांथि जाखो बेनि सायाव सान्नो गोनां जादों। अदेबानि सिगाइव फोसावनाय आयदाफोरखौं फारि–फारियै फालिनो थाखाय आफादआ खावलायदों। नइब्बा बे जारिमिनारि आरो गोग्माथाव आसाम राव गोग्माथाव बिथॉंखि लि्रगिरिफोरखौं बरायनार्यनिफ्राय मोन ८ ट्राइबेल साहित्य सभाया जानगाराव थॉगोन आरो सिगाइव फोसावखानाय लि्रगिरिफोरनि थाखाय रंखान्थि हेफाजाबखौं सोलिफु डिसेम्बर दाननि गेजेरावनो होनायनि राहा लानांगौ होन्नानै दाबि खालामो इन्ड्जेनियास ट्राइबेल साहित्य सभा, आसामनि आफादगिरि गबिन्द तायेड आरो गाहाय नेहाथारि कमलाकान्त मोसाहारिआ।□

## गसाइगाव बिएड फरायसालिमानि रुफाथि माइथाय फोर्बोंआ मेहेरगोनाडै जोबलांबाय

नार्जारिनि आफादगिरि मासि सामलायनानै दैदेन्नायाव गेवलां मेलखौं खुंफुंनाय जायो। गेवलां मेलखौं बेखेवनानै होयो आरो बराय बिबुंथि लाखियो गसाइगाव बिएड फरायसालिमानिनो गोरायुं ड़ अजित बर‘आ। बे हाबाफारिआवनो बिटिंसि सोलोंथाय बिफाननि बिथोनगिरि जगदिश प्रसाद ब्रह्मआ इंग्राज, असमीया आरो बर’ रावनि गांसे बिसम्बि रुफाथि बिसम्बिखौं बेखेवनानै होयो। दिनें जोबथा सनुखालि बे हाबाफारिआव गाहाय आलासि महरै बाहागो लायो बड‘लेण्ड मुलुग सोलोंसालिनि भाइच सेन्नेलर प्रफेसार लाइराम लादुंसिंआ। गावनि बिबुंथियाव लादु सिंआ बिएड फरायसालिमानि गासै फरायसाफोरनि गेजेराव सोलोंथाय लानार्यनि माखासे खौसल आरो खान्थिफोरनि बागै गुवारै सुबुरुन होयो। हाबाफारिआव रैमालि एकाडेमि कलेज बिजनीनि गोरायुं ड़ अर्भिजित देब अधिकारि, सिट्टिक कक्राइारनि गोरायुं ड़ जिके भारतीमोनहाबो बाहागो लानानै फरायसाफोरनि सिगाइव सोलोंथाय लानाय आरो बिएड थाखो गोनांथिनि बागै गुवारै बिबुंथि लाखियो।□

## दुलाराय बर’ फरायसा आफादआ राइज्यो सरकारनिंसिम साबायख‘र हरदों

बिटिआरनि बाइजोआव थानाय बर’ फिसाफोरनि थाखाय बिकेडब्लिउएसिखौं दिनें आसाम आइन आफाद जथुमाव गनायथि होनाय जायो। बेबादिनो बिटिआर गोरोबथानि दफाफोरखौं समबादियै मावफुंनो आसाम सरकारनि आखाइ होनायनि थाखाय दुलाराय बर’ फरायसा आफादआ राइज्यो सरकारनो साबायख‘र जासिदों। दिनें दुलाराय बर’ फरायसा आफादनि लेइाइ गाहाय नेहाथारि खोरोमदाव औवारिआ मोनसे रादवा बिबुंसारनि गेजेरजों बिटिआर गोरोबथानि ५.१ दफा बादियै बिकेडब्लिउएसि आरो ६.२ दफा बादियै बर’ रावखौं आसामनि सरकारि लोगो राव महरै बाहायनार्यनि आइनखौं आसाम आइन आफादनि जथुमाव गनायथि होनायनि थाखाय राइज्योन गिबि मन्थि सर्वान्ड सनवाल आरो रंखान्थि, सोलोंथाय, देहा मन्थि ड़ हिमन्त बिश्व शर्मानिंसिम साबायख‘र जासियो। लोगोसे बिटिआर गोरोबथानि गासै दफाफोर फारि–फारियै मावफुंजागोनखौं दुलाराय बर’ फरायसा आफादआ मिजिंथियो।□

## ३१ जानुवारिनि गेजेराव लाइखा–ददियानि थागिबिफोरखौं फिन फसंथाफिनगोन ...

माहारियारि पार्कनि बाइजोआव गोदान हा सायख‘नानै फसंथाफिन्नायनि थाखाय बिथोन होयो। बे बिथिइव हेफाजाब जानाय बादियै हाग्रा बिफाननि मन्थि परिमल शुक्लबैध्व्यखौं आफादगिरि, मन्थि जगेन महनखौं सोद्रोमा आरो हाग्रा बिफाननि सिफ सेक्रेटारि अर्बिनाश जशिखौं सोद्रोमा महरै लानानै गिबि मन्थि सनवालआ मोनसे कमिटि दाफुंनो बिथोन होयो। कमिटिनि सोद्रोमा महरै लखिमपुरनि एमपि प्रधान बरुवा, साबुवानि एमएलए बिनद हाजरिका, धेमाजिनि एमएलए ड़ रनज पेगु, बिफाननि सामलाय नेहाथारि एमएस मनिबन्न, हाग्रा बिफाननि गाहाय एएम सिं आरो तिनिसुकिया, लखिमपुर जिल्लानि खुंगिरिफोरखौबो थिसन्नय जादों। गिबि मन्थि सनवालआ बे दाफुंनाय कमिटिखौं फैगौ दानसेनि गेजेरावनो लाइका–ददियानि थागिबिफोरखौं फिन फसंथाफिन्नायनि आयदानि सायाव मोनसे सम सिमना होनानै अरायथा समाधान खालामनार्यनि थाखाय मोनसे गोनांथार राहा लानो बिथोन होयो। गिबि मन्थि सनवालआ हाग्रा बिफानखौं अरायथायै फिन फसंथाफिन्नायनि थाखाय गोदान हा सायख‘नानै फैगौ १ सप्ताहनि गेजेरावनो हा सुनाय बायदि खामानिखौं आबुं खालामनो बिथोन होबावो। लाइका–ददियानि थागिबिफोरनि जेनाखौं बोस्त्रांनो राहा लानार्यनि सायाव सावरयनानै गिबि मन्थि सनवालआ बे जेनाखौं सम्पाधन खालामनो हायोब्बा बिसेर सुबुंफोरनि थाखाय ज़िउ खुंनाय राहायव साबसिन जागोन। बेजों लोगोसे बिसेरखौं फिन फसंथाफिन्नायनि थाखाय गोनांथि जानाय लोंग्रा दै, मोब्लिव, गुदि फाहामथायनि राहा बायदि खाबुफोरखौं जगयथाय होनो बिथोन होयो। बेनि अनगायैबो फिन फसंथाफिन्नो हायोब्बा नख‘रफोर गेदान ओन्सोलनि आबहावाखौं समायनार्यै लाखिनो खावलायो आरो बे ओन्सोलाव बिफां गायनायनि राहा लानाय जागोन होन्नानैबो गिबि मन्थिआ बुझे। हाग्रा बिफाननि मन्थि परिमल शुक्लबैध्व, पन्चायत आरो गामियारि जौगाखां बिफाननि मन्थि रनज कुमार दले, एमपि प्रधान बरुवा, एमएलएफोर ड़ रनज पेगु, बिनद हाजरिका आरो रमेन्द्र नारायन कलिता, गिबि मन्थिनि उग्र्रा सिफ सेक्रेटारि पवन कुमार बरउकुर, हाग्रा बिफाननि सिफ सेक्रेटारि अर्बिनाश जशि आरो माखासे गोजूं थाखोनि बिबानगिरिफोरबो बे जथुमनाय मेलाव बाहागो लादोंमोन। बेनि उनावनो गिबि मन्थि सनवालआ लाइका–ददियाआव थानाय नख‘रफोरनि मोनसे थान्दै हान्जाजोंबो सावरयलायनाय जायो। गिबि मन्थि सनवालआ थान्दै हान्जानि दाबि दैखंनाय आयदाखौं बोस्त्रांनार्यनि फार्सें राहा लागोननि बाश

# अमिताभ बच्चनआ माइकेल जेक्सननि फाव खालामनायाव जाफुंसारनो हायाखै

गोदान दिल्ली, 30 डिसेम्बर: बलीउडनि जोहोलाव अमिताभ बच्चनआ बे समखौ गोसो खांदों, जेब्ला गाव पप किं माइकेल जेक्सननि फावखौ मोनसे सावथुनआव खालामनो नाजादों मोन, जायखौ खालामनायाव बियो जाफुंसारनो हायाखै। बिग बीआ मनमहन देशाइन 1988 नि सावथुन 'गंगा जमुना सरस्वती' नि सेटआव लानाय सावगारिखौ गावनि इन्स्टाग्रामआव शेयार खालामदों।



अमिताभ बच्चनआ बेखौ केपन होनाइ लिरदों जेब्ला मनमहन देशाइन आंखौ सावथुन गंगा जमुना

सरस्वतीआव एमजेनि एक्टिं खालामहोदों, बेवहाय आं आबुडै जाफुंसारनो हायाखै। शेयार खालामनाय सावगारियाव जोहोलावखौ

गोसोमा गावनि लेदार जेकट आरो लेदार पेन्ट गान्नाय नुनो मोन्दों। सावगारियाव फावखुंगुरआ जेक्सननि सि-जोम गान्नायनि स्टाइलखौ

सोलोंनाय नुनो मोन्दों। जोहोलावनि पस्टआव फावखुंगुर रणबीरसिआ कमेन्ट खालामनाने लिरदों वाह किं मनमहन देसाइन

गेजेरजों बिथोन होनाय सावथुन गंगा-जमुना सरस्वतीआव जया प्रदा, मीनाक्षी शेपाद्री, अमरीश पुरी, निरुपा राय आरो अरुण इरानीआबो फाव खालामदों। सावथुनआ बक्स अफिसआव फलप जादों।

बिग बीखौ थाबेनो इमरान हाशमीजों लोगोसे 'चेहेरे' आव आरो नागराज मन्जुलेनि 'ब्रुन्ड' आव नुनो मोनसिगोन आरो आयाना मुखार्जोनि सावथुन 'ब्रह्मास्त्र' आव बियो रणबीर कापुर, आलिया भाट्ट, नागार्जुन आरो मौनी रायजों लोगोसे स्पेस शेयार खालामगोन।

## बिग बस 14 नि न'आव दावराव दावसि जानायनि जाहोनाव राखी साबन्तनि गन्थंआ गुरुबदों

गोदान दिल्ली, 30 डिसेम्बर : ड्रामा कुइन राखी साबन्तआ आरोबाव खनसे खौराडव थाबाय थादों। आथिखालाव बिखौ बिग बस 14 नि न'आव थानाय बादायारिफोरनि हेंथायै सासे गिदिर सेलेन्सनि महरै नुनो मोन्दों। राखीआ जेराव सुबुंफोरखौ गोबां एन्टारटेनमेन्ट खालामदोंब्ला गुबुन फार्सेथिं बिनि जेनायाबो लासै लासै बांगसिनो दड। आथिखालाव जानो गोनां श्व नि फ्रम भिडियाखौ नुनो मोन्नाय जाबाय जायखौ नुनानै राखीनि फेन्सफोरा एसे दुखु जानो हागौ, मानोना बेवहाय राखीनि गन्थंखौ गुरुबनाय नुनो मोन्दों।



दिनैनि श्व' बिग बस 14 नि न'आव मोनसे गिदिर जेना सोमजिनयाखौ नुनो मोनगोन। नायगिरिफोरा मोनसे औरैबायदि दावराव-दावसिखौ नुनो मोनगोन, जायखौ दासिमाव नुनो मोनाखै। मानोना राखी साबन्त आरो जेस्मिन भसीननि दावराव दावसि जानायाव राखीनि गन्थंनिफ्राय थै गनाय नुनो मोन्दों। बे भिडियाव जों नुनो मोन्दोंदि, राखी साबन्त आरो जेस्मिन भसीननि दावराव-दावसिया मोनसे नेकस्ट लेभेलाआ सौहैदों। बेवहाय साफ्रोमबोजों नालायनानै राखी साबन्तआ एली गनीखौ बुयो आरो उनाव जेब्ला जेस्मिनआ गेजेराव फेयो अब्ला बिखौबो नारह'रो। नाथाय जेस्मिनखौबो बदला लानाय नुनो मोनो।

मख'नो गोनांदि जागायनायाव राखीआनो गावनि आखुजों एलीखौ बुडोदि, जाय कफीनि थाखाय आंनि उनाव स्पाइल खालामगोन बियो गिखंथाव एक्सिडेन्ट जागोन।

## साइबेरियाआव दानख-39 डिग्री सेलसियास गुसुयाव सुबुंफोरा बिकिनी पार्टि खुंदों



गोदान दिल्ली, 30 डिसेम्बर : साइबेरिया सहर भाइरेल जादों, जेराव सुबुंफोरखौ 39 डिग्री दमस्क्याव माइनास 39 डिग्री सेलसियासआव खालामनाय नुनो मोननाय जादोंमोन। सुबुंफोर फट आरो बिडियाआ ससियेल मिडियाआव भाइरेल जादों। बिडियाआव 1 दर्जननिफ्राय बांसिन सुबुंफोरखौ बिकिनी आरो सुइमिं इउयेर गान्नाय नुनो मोन्नाय जादों। साइबेरियाआव सुबुंफोरा गोदान बोसोरनि रंजानाय बाजानाय फालिनायाव गोदोहाबनानै थादों आरो आलादा आलादा रोखोमै पार्टि खालामदों। बेनि गेजेराव ससियेल मिडियाआव आरोबाव मोनसे बिडियाआ

## आर्यन खानआ बिफा शाहरुख खान बायदिनो मोजां टेलेन्टेड

गोदान दिल्ली, 30 डिसेम्बर: फावखुंगुर शाहरुख खाननि देरसिन फिसाज्ला आर्यन खानआ गावनि फेन्सफोरनि गेजेराव एसेबांनो खौराडव थाबाय थायो। जेसेबां बिनि बिफा किं खानआ थायो। आर्यन खानआ आथिखालआव बलीउडनि गोजानाव दड, नाथाय बिनियाव गोबां टेलेन्ट दड। बियो मिउजिके ल टेलेन्टबो। जायखौ बिनि फेन्सफोरा मोनथिबाय। मख'नो गोनांदि, सशेल मिडियाआव आर्यननि मोनसे भिडिअ'या गोबां गोखैयै भाइरेल जादों। बे भिडिअ'आव आर्यनखौ गिटार दामनाय आरो चार्ली पुटनि देंखोखौ रेजाबनाय नुनो मोन्दों। भिडिअ'याव आर्यनजों लोगोसे बिनि लोगोखौबो नुनो मोन्दों आरो सानैजों लोगो नानानै देंखो रोजाबदों। आर्यननि बे भिडिअ'खौ इन्टरनेटआव गोबां मोजां मोन्दों आरो बिनि बे टेलेन्टखौ फेन्सफोरा गोबां बाखायदों। भिडिअ'याव सासे इउजारआ खालामनानै लिरदों बेखौ नायनो थाखाय आं गावखौनो हमथानो हायाखै। गुबुन सासे इउजारआ लिरबावदों आर्यननि एटिट्युडआ आबुडै



शाहरुख खान बायदि।

मख'नो गोनांदि आर्यनआ आमेरिकायाव सोलेंथाय लागसिनो दड। आर्यनआ थानाय बोसोराव शाहरुख खानजों लोगोसे 'दा लाइन किं' सावथुननि हिन्दी बाजनि जेराव सावथुननि केरेक्टर मुफासानि थाखाय गारां होदोंमोनब्ला, गुबुन फारसेथिं आर्यनआ सिम्बानि केरेक्टरनि थाखाय गारां होदोंमोन। शाहरुख खानआ डेबिड लेटरमेनि श्व' 'गेस्ट नीडस न' इन्ट्रडक्शन' आव बुंदोंमोनदि, आर्यनआ एक्टिंआव

फेनो साना। बियो गोजौं आरो बिखौ मोजां नुयो। नाथाय बियो गावखौनो एक्टिंनि थाखाय मानिनालाया। शाहरुख खानआ आर्यननि एक्टिंआव फेथैनि जाहोनाखौ फोरमायनानै बुंदोंमोनदि, गाव सानसेखालि आर्यनजों बाश्रा सावरायनायाव आर्यनआ गावनो फोसमायदोंदि, जुदि गाव सासे जाफुंसारनाय फावखुंगुर जायोब्ला सुबुंफोरा गावनि नाजानाय आरो स्किलनि क्रेडिटखौ होनायनि अनगायै बिफानि मुलाम्फाखौ मोन्दों आरो जाफुंसारनो हादों होनानै बुंगोन।

## सिनेमाहलआव बन्द जानायनि सिगां एलाया फर्नीचर बालाया गिदिर पर्दायाव डेब्यु खालामदों

गोदान दिल्ली, 30 डिसेम्बर : 2020 आ अराय समनि थाखाय जारिमिननि लेखा बिलाइआव थिसन जाखांबाय। बे बोसोराव करना भाइरासनि गोहोमा औरैबायदि जादोंदि, फुर हादतआ बन्द जादों। गिदिर गिदिर मावख'फोरनिफ्राय लानानै बिजनेस आरो सावथुन इन्डस्ट्रीसिम गसिबो थाद'दों। बे जाहोनिनि थाखायनो सिनेमाहलफोराबो माखासे दानसिम बन्द जादों। सिनेमा हलफोरा बन्द जानायनि जाहोनाव माखासे सावथुनफोरखौ अटिटि प्लेटफर्मआव रिलिज

खालामदों। मार्चआव लकडाउन जानायनि सिगां गिदिर पर्दायाव माखासे सावथुनफोरा। रिलिज जाखांबायमोन, जायजों लोगोसे माखासे स्टारफोरा बलिउडआव आगानबो होदों। मख'नो गोनांदि, फावखुंगुरि पुजा बेदीनि फिसाजो एलाया फर्नीचरबालाया बे बोसोरावबो बलिउडआव डेब्यु खालामदों। एलायाखौ सेफ आली खान आरो तब्बुनि सावथुन जाबानी जानेमन'आव नुनो मोन्दोंमोन। बे सावथुनआव बियो सेफनि फिसाजोनि फाव खालामदोंमोन।

# गाहाम देहानि राहा

## ग्रीन टीआ मुलाम्फा गोनांल' नड, बेयो खहाबो खालामनो हागौ



बांसिन सुबुंफोरनो ग्रीन टीखौ देहानि थाखाय जोबोद मुलाम्फा गोनां मुवा होन्नानै सानो। बेखौ सानफ्रोमबो लॉनायजों लिरथाइया गोलेयैनो खमायनो हागौ। थानाय माखासे बोसोरनि गेजेराव ग्रीन टीखौ लॉग्राफोरनि अन्जिमाया जोबोद बारायदों। ग्रीन टीआ मोनसे हार्बल लॉग्रा, नाथाय जुदि नोंथाड थि बिबानिफ्राय बांसिन लोडोब्ला बेयो नोंथांखौ खहाबो खालामनो हागौ। बांद्राय ग्रीन टी जॉनायजों नोंथांखौ माखासे बेमारफोरा बे'खन्ना लानो हागौ। अदेबानि नानायनि बांसिन ग्रीन टी लॉनायजों जानाय ख'हाखौ गाहायाव

होनाय जाबाय। (1) ग्रीन टीआव केफिन थायो। अदेबानि केफिनआ ग्रीन टीआव कफीनि रुजुनायाव बाडाइ थायो। नाथाय जुदि नोंथाड ग्रीन टीखौ बांद्राय लोडोब्ला नोंथांजा गोब्राब बेमारफोरनि मैहुर जानानो हागौ। बांद्राय ग्रीन टी लॉनायजों नोंथाड उदैनि बेमार, गोबानाय गेस बायदि बेमारफोर जानो हागौ। (2) ग्रीन टीखौ बांद्राय लॉनायजों देहायाव आयरननि आंखाल जायो। मानोना ग्रीन टीयाव टेनिन थायो जायखौ जानायजों देहाया मोन्नाय भिटाभिनफोरनिफ्राय मोन्नाय आयरनखौ होबथानो हागौ। (3) ग्रीन टीखौ बांद्राय

जॉनायजों ऑंखाम उखैनाय खमायो। बेनि जाहोनाव नोंथाड आदारखौ बाडाइ जानानै लोरबांधिनि मैहुर जानानो हागौ। (4) ग्रीन टीखौ बांद्राय लॉनायजों गोरबोयाव थानाय गथ'खौबो खहा खालामनो हागौ। सानसेयाव कापनैनिखुइ बांसिन ग्रीन टी लॉनाया खहा गोनां जानो हागौ। (5) ग्रीन टीआ आक्सैलिक एसिड थायो। अक्सैलिक एसिडनि जाहोनाव किडनीयाव अन्थाइ जानो हागौ। अदेबानि अक्सैलिक एसिडआव इउरिक एसिड, केल्सियम आरो अमीन एमिड मोन्नाय जायो, जाय अन्थाइ सोमजि होनो हागौ।

## हा सायाव जिरायनानै जाग्रा आदार जायोब्ला देहाया गाहामै थायो



गोदान दिल्ली, 30 डिसेम्बर: जोंनि लाइफस्टाइलआ एरैबायदि जालांनो हमबाय जों बांसिन समखौनो मासि आरो सफायाव जिरायनानै नो हगारहरो। अदेबानि जों फरायनाय लिरनायनिफ्राय लानानै जानाय-लॉनायनि थाखायबो मासि जिरायनो मोजां मोनो। नाथाय मासि आरो सफायाव जिरायनानै जों गावबा-गावनि मोदोमखौ आलसिया खालामगसिनो दड। जों एरैबायदि मडार्न जाबाय, जायनि थाखाय जों हायाव जिरायनानै जानोबो लाजिनय मोनबाय। मा नों थाड मिथिगौ नामा हायाव जिरायनानै जाग्रा आदार जानायजों देहाया माखासे रोखोमनि मुलाम्फा मोनो। हायाव जों जैरेबायदि मोनसे आथिडवाव गुबुन मोनसे आथिखौ दोन्ना जिरायनानै जानायजों जाग्रा आदारआ आबुडै दोगोन जायो आरो दोगोन खालामनाय हाबाफारियावो साबसिन

जायो। 1. बडीखौ स्ट्रेय लाखिनोब्ला हायाव जिरायनानै जानांगौ। बेबायदि जानायजों उदैनि हायाव बाहागोनि मोदोमाव नारसिन्याय जायो। हायाव जिरायनानै जानायजों सहायनो हायै आरो साननायनि थासारियाव बडीखौ मोजां मोनहोयो। 2. हायाव जिरायनानै जानाय समाव नोंथांनि दोगोनआ नेचारेल जायो। बेजों दोगोन खालामग्रा तन्त्रआ दोगोन खालामना गावनि खामानिखौ साबसिनै खालामनो हायो। 3. नख'रनि गार्से सोद्रोमाफोर जेब्ला लोगोसेयै हायाव जिरायनानै जाग्रा आदार जायो, अब्ला बिसोरनि गेजेरनि सोमोन्दायाबो गोखौ जायो। बेबायदि हायाव जिरायनानै जानायजों माखासे जेनाफोराबो जानगार जायो आरो जानायनि स्वादआबो 2 गुण साबसिन जायो। 4. सुबुंफोरा हायाव जिरायनानै जानायजों बिसोरनि बडिआ एक्टिभ आरो फ्लैक्सिबल जानानै थायो। हायाव जिरायनाय

आरो सिखारनायजों जोंनि मोदोमा गोखौडे थायो। 5. नोंथाड जेब्ला मासिखौ नागरानां हायाव जिरायनानै जायोब्ला नोंथांनि बडीयाव नेचारेल स्ट्रेथ सोमजियो। 6. गोलाव समसिम मासियाव जिरायनानै नोंथांनि हिप्सआ टाइट आरो स्ट्रग जानो हागौ, नाथाय जेब्ला नोंथाड हायाव जिरायनानै जायोब्ला, नोंथाड गावनि हिप्स फ्लेक्ससखौ गोरलैयैनो स्ट्रेच खालामनो हागोन। 7. हायाव जिरायनानै जानायजों लिरथाइखौ बाडाइ खालामनायाव मदत मोनो। 8. हायाव जिरायनानै जानायजों देहानि बेगेंफोराबो मोजां मोनो। 9. गाहायाव जिरायनानै जानायजों बडीआ गाहामै थायो, जायजों नोंथांनि पार्सेनेलियावबो साबसिन्याय फेयो। 10. हायाव जिरायनानै जानायजों ब्लाड साकुंलेशनआबो साबसिन जायो, जाय बिखाखौ गाहामै लाखिनो थाखाय गोनांथार।

# बांलादेशनि नेभीफोरा गंबा जाहाजफोरजों सा 1776 रहिं गिया रिफुजिफोरखौ खौसैयै द्वीपआव दैथायहरबाय

बांलादेश, 30 डिसेम्बर : सुबुंमोन्थायारि फसंथानफोरनि हेँ था होसेयावबो बांलादेशनि नेभीफोरा थानाय मंगलबारखालि सा 1776 रहिं गिया रिफुजिफोरखौ खौसैयै द्वीपआव दैथाय हरनाय जायो। बिसोरखौ चटगावनि बन्दरगाहनिफ्राय गंबा जाहाजफोरनि गेजेरजों भासन चार द्वीपआव लांनाय जायो। रिफुजिफोरा थाम घन्टानि उनावनो बेयाव सौहैयो। बेखौ लानानै सुबुं मोन्थाइयारि फसंथानफोराव रिफुजि फोरनि सायाव नारसिन्दों होन्नानै दाय जाबसिन्दों। बांलादेशआ रहिं गियाफोरखौ आइलेन्डआव जोबथेनानै दोनो लुबैदों होन्नानै बिसोर बुंदों। बेराफासँ गहाय मन्थि



मावख 'निफ्राय फोसावनाय बिबुंथिनि बाइदिब्ला, सरकारा बेयाव सा 700 रहिं गियाफोरखौल'

## ला-लीगानि मेचखौ बासिलना क्लाबआ इवारनि हेँथायै इ गेलेदों


स्पेइन्, 30 डिसेम्बर: सिजननि ला-लीगानि मेच गेलेनाया दासान्दि गुबुन गुबुन क्लाबफोरनि गेजेरव सोलिबाय थानायनि गेजेरखौ थानाय हरनि समाव मोनसे गोना मेचखौ बासिलना आरो इबार क्लाबनि गेजेरव मोगा-मोगि गेलेयो। बे गेलेनाय मेचखौ बासिलना क्लाबआ लियनेल मेसि गैयालासेनो गोब्राबजों इ लाखिनो हायो। गेलेनायनि सिगां समनिफ्रायनो मोनैबो हान्जानि गेलेनायखौ गोखोडे नुनो मोनो आरो गिबि हाफ टाइम गेलेनायव मोनैबो गैयालासेनो गोब्राबजों हा होनो गोबां नाजाथबदोंमोनब्लाबो नाथाय फेलें जानायाव समान-समान जायो। बेनि उनाव नैथि हाफ टाइमनि गेलेनाय समाव इबार क्लाबनि गेलेनाया



एसे गोखौसिन जानायजों हान्जानि गेलेगिरि किकि गायिसाआ गलखौ होनो हानायजों 1-0 गलजों आवगायो। बेनि उनाव बासिलनाया बेरेखा हान्जानि गल होनानै आवगिनयखौ नोजोर होनानै गोखौ गेलेनायाव खाबु मोन्नानै 67 मिनिटआव गलखौ होनो हायो। हान्जानि गेलेगिरि डेमबेलेआ गलखौ होनो हानायजों हान्जाया 1-1 जायो आरो जोबथा समाव मोनैबो हान्जाया गल होनो हाबावैजों समान-समान जानानै बे मेचआ इ जायो। मोनैबो हान्जाया मेचखौ इ गेलेनानै 1-1 पइन्टखौ आवगिनो हानायजों दासिम पइन्टनि फारिलाइयाव 5 थि सारियाव जायगा लानादों। बे मेचखौ देरहानाया बासिलना क्लाबनि जोबेद गोनाथामोन। नाथाय लियनेल मेसि गैयालासेनो बासिलनाया बे मेचखौ देरहानो हानायव फेलें जायो। लीगनि गेलेबावनाय मोनसे मेचखौ सिबिला क्लाबआ 2-0 गलनि फारागथियाव बिल्लारियेल क्लाबखौ फेजेनो हानायव जाफूसारदों। बेजों लोगोसे एटलिटिक मेड्रिड आरो रियेल मेड्रिड क्लाबआ ला-लीगानि पइन्ट फारिलाइयाव नैथि आरो थामथि जायगा लानानै गेलेदों। बेबायदिनो सिजननि ला-लीगानि मेच गेलेनाया गुबुन गुबुन हान्जाफोरनि गेजेरव गोखोडे सोलिबाय थानायखौ नुनो मोन्दों आरो गोखौसिन गेलेनो हानाय हान्जाफोरा देरहानो हानायजों पइन्टनि फारिलाइयाव गोजौ जायगाखौ लानो हादों।

## लन्डनआव महात्मा गांधीनि साराय आरो चाम्मचआ निलाम जानो हारिसगौ

स्टकहम, 30 डिसेम्बर : माहारिनि बिफा महात्मा गांधी बाहायग्रा गंसे फिसा साराय, हिन्जावफोरनि गंनै चाम्मच आरो हिन्जावसाणि गांसे फर्कया ब्रिटेइन्नि ब्रिटेस्लाव फेगौ 10 जानुवारीयाव निलामी जासिगोन। बेनि जागायनाय बेसेनखौ 55 रोजा ब्रिटिस फान्डखौ लाखिनाय जादों। नीलाभि कमिसन, जिएसटि, इन्स्यरेन्स, भारा आरो भारतयारि कास्टम डिडटिजों लोगोसे भारतआव बेनि बेसेना 1.2 कौटि रां जानो हागौ। अदेबानि बेया बयनिखुइबो खम हमदांनाय। हमदांनाय बायदिब्ला, बेनि बेसेना 80 रोजा ब्रिटिस पाउन्डसिम जाहैनो हागौ आरो बेनि ओथिया भारतआव बिनि बेसेना 2 कौटि रां जानो हागौ। माब्लाबा हमदांनाय बेसेनिखुइ 2 एबा 3 गुण बांसिन जानो हागौ। रलबेल अनलाइन निलामीनि केसाव बे बाध्याय आरोबाव सँ थोसिन महरै फोरमान जानो हागौ। गांधीनि खत, सावगारि, पेन्टि, बिजाबफोर, सेन्डेल्, चरम आरो गुबुन मुवा बेसादफोरा मुलुग नाडे गिदिग्रा सुबुंफोर



आरो आफादफोरनि गोसोखौ बोनो हायो। अदेबानि, इस्ट ब्रिस्टलनि निलामी खालामग्राफोरनि बुंनाय बायदिब्ला, बे सेटखौ गांधीआ पुणेनि आगा खान पेलेसआव आरो मुम्बाइनि पाम बन हाउसआव बाहायदोंमोन। बिनि सालाया सरासन्धा धातुजों बानायनाय। बे मुवा बेसादफोरखौ बिथाडा गावनि बिजाबाव मख'दों।

## 1956 नि अलिम्पिक गेम्सआव गेलेनाय भारतनि फुटबल हान्जानि गेलेगिरि निकिल नन्दिआ रुंसारि जाबाय

कलकता, 30 डिसेम्बर: 1956 माइथायनि अलिम्पिक गेम्सआव 4 थि जायगा लानो हानाय भारतनि फुटबल हान्जानि सोद्रोमा एबा गेलेगिरि निकिल नन्दिआ दिने 88 बोसोर बेसोयाव रुंसारि जाबाय। सुलुनि बायदिब्ला थानाय गोलाव बोसोरनिफ्रायनो बारा' फुटबल गेलेगिरिआ बेरामनि जेनाजों भुगिनबोदोंमोन। बेरामनि जेनाजों भुगिनानानै जोबथा बुब्लियाव रुंसारि जानाय निकिल नन्दिआ थेनाय समाव गावनि बिसि, सासे

फिसान्ला आरो सानै फिसाजोखौ बे संसारनिफ्राय नागराता थाडे। रायखानो गोनादि, 1950 माइथायनि मोनसे जोथायसिम निकिल नन्दिआ भारतनि फुटबल हान्जायाव सासे गोखौ गेलेगिरि महरै गेलेनायनि बिफाव लाबोदोंमोन। नख'रनि सुलुडा फोरमायनाय बायदिब्ला थानाय सेप्टेम्बर दानाव बारा' फुटबल गेलेगिरिआ कभिड-19 जों सन्देर जादोंमोन आरो फाहामथाय लानायनि गेजेरजोंबो बिनि देहा हालोदआ



मोजाडव फैफनैजें जोबथायाव दिने बेलासि समाव रुंसारि जायो।

## आमेरिकायाव करनानि गोदान स्ट्रेन मोन्दों, जायनाव ट्रेभेलनि जेबो हिस्ट्री गैया


वासिन्टन, 30 डिसेम्बर : ब्रिटेइनि उनाव आमेरिकायाव करना भाइरासनि गोदान स्ट्रेनि गिबि केस मोन्नाय जादों। अदेबानि क्लराडनि राजथानि डेनवआव 20 बोसोरनि सासे सुबुंमोन्थाय गोदान स्ट्रेन मोन्नाय जादों, जायनाव जेबो ट्रेभेल हिस्ट्री गैया। डिन्टनि गभर जेड पलिसआ टुस्ट खालामनानै बे बाध्यानि खौर होंदों। मख'नो गोनादि, ब्रिटेइन् आरो इर'पिय हादतफोरखौ इन्फेक्सन खालामग्रा करना भाइरासनि गोदान स्ट्रेनआ आमेरिकाणि सिगां भारतआव सौहैयो। भारतआव बेंगालुरु, हाइद्राबाद, पुणेनि अनगायै इर'पिनि मेरटआवबो गोदान करनानो



इन्फेक्सन जानाय बेसिमफोर मोन्दों। रिपर्टनि बाइदिब्ला, 25 नभेम्बरनिफ्राय 23 डिसेम्बर गेजेरव ब्रिटेइन्नि गैसे 22 रोजा दावबायारिफोर भारतआव फेदोंमोन। जायफोरनि मावब सा 100 निखुइ बांसिन सुबुंमोन्थाय करना इन्फेक्सन मोन्नाय जादों आरो सा 7 दावबायारिफोरनाव करनानि गोदान स्ट्रेन मोन्दों। सुलुडाव फोरमायनाय बाइदिब्ला बयनिखुइ सिगाखव करना भाइरासनि गोदान स्ट्रेन मोन्नाय जादों आरो सोमजिदोंमोन। जायनि उनाव बेयो भारतजों लोगोसे माखासे हादतफोराव गोसरो। बे गोदान स्ट्रेनखौ दासिमाव ब्रिटेइन्, भारत, आमेरिका, स्पेन, सुइडेन्, सुइजारलेन्ड, फ्रान्स, डेनमार्क, जार्मानी, इटालि, नेदरलेन्डस, अस्ट्रेलिया, कानाडा, जापान, लेबानान, सिंगापुर आरो नाइजेरियाआव मोनखाबाय। बेनि अनगायै साउथ आफ्रिकाआव करनानि मोनसे गोदान स्ट्रेन मोन्दों, जाय ब्रिटेइन्आव मोन्नाय गोदान स्ट्रेनिखुइ आलावा। बेयफसे गोदान स्ट्रेनआ आधिखालाव भारतआव गोखैवैनो गोसारातो हमदों। भारतआव ब्रिटेइन्निफ्राय फैफिन्नाय सा 20 दावबायारिफोरा बे गोदान स्ट्रेनजों इन्फेक्सन जाखोंबाय। भारतआव थानाय मंगलबार खौल गोदान स्ट्रेनि सा 6 बेरामिफोर मोन्दोंमोन, जायनि अन्जिमाया बारायनानै 20 जाहैयो। बे गैसे इन्फेक्सन जाग्रोफोरखौ राइज्यो सरकार हेल्थ केयाराव आइसलेसनव लाखिनाय जायो आरो बिसोरनि सोमोन्देयाव फैनाय सुबुंमोन्थायखौ क्वारेस्टिनआव दोनाय जाबाय।

## करना भाइरासनि भेक्सिनखौ लानानै चीननि फोथायनायाव आरोबाव खनसे सौथिनि बेंखनथाया थादों

गोदान दिल्ली, 30 डिसेम्बर : करना भाइरासखौ लानानै मुलुगनाडे थगयनाय चीनआ आधिखालाव बेनि टीकाखौ लानानै जो डाटाखौ दोनखोमादों। बेनि जाहोनाव मुलुगनि चीननि सायाव फोथायनाया जोबबाय। ब्राजिलआव बेनि करना भेक्सिननि आन्जाद नायनायखौ लानानै गोब्राब सन्देह खालामनाया सोमजिदों। भारत आरो आमेरिकाजों लोगोसे सोनाब हादतफोराव करना भेक्सिननि डाटाखौ लानानै आबुडे नायबिजिरनाया वांगासिनो दड। फिसा-फिसा डाटाखौबो फोसावनाय जादों। चीननि



अनगायै गुबुन हादतफोरखोबो बेनि भेक्सिनखौ आन्जाद नायनाया सोलिदों। थनाय सप्ताहयाव ब्राजिलआ बुंदोंमोनदि चीननि कम्पानी सिन'बेक बाय'टेकनि गेजेरजों दिहुन्नाय भेक्सिनआ गावसोरनि आन्जाद नायनायाव 50 जौखोन्दो गोहोम गोर्लैनायखौ मोन्दों। नाथाय ब्राजिलनि फार्से आन्जाद नायनायनि फिथायखौ फोसावनाय जायाखै, मानोना चीननि कम्पानीआ बै डाटाखौ फोसावैनि दाय जाबसिनदोंमोन। बेबायदिआ थामथि खेव जादों, जेल्ला चीननि भेक्सिनखौ आन्जाद नायनायनि फिथायखौ फोसावनायाव गोब्राब जादों। बेजों आरोबाव बेयो फोरमान जादोंदि, चीननि भेक्सिन बानायग्रा कम्पानीफोरनिनाय नायबिजिरनाया खम जादों। ब्राजिलआ ओर्थोबायदि गिबि हादत, जेबे चीननि भेक्सिननि 3 थि थाखोन आन्जाद नायनाया फुय जादों। 1 दान सिगां खालामनाय मोनसे सार्भेआव बेयो सोराखव फेदोंमोनदि ब्राजिलनि 50 जौखोन्दोनिफ्रायबो बांसिन सुबुंफोर चीननि भेक्सिनखौ लानो गानायखै। फार्सेथि 36 जौखोन्दो सुबुंफोरा रुसनि भेक्सिनखौ लानो गानायखेमोन।

## गवा सरकारआ मुलि बानायनायाव बाहायनो गान्जानि आबादखौ गनायथि होनो हारिसगौ

पणजी, 30 डिसेम्बर : गवा सरकारआ राइज्योआव मुलिनि थाखाय आयेनारि महरै गान्जानि आबादखौ गनायथि होनाय थांखिनि सायाव सावरायगासिनो दड होन्नानै आयेन मन्थि नीलेश के बरलआ थानाय मंगलबारखालि खौरां हायो। केबरलआ बुंनाय बाइदिब्ला बे थांखिखौ सावसि बिफानयनि खाथियाव दैथाइ हरनाय जाबाय। बिथाडा बुदों गवायाव जौ फान्नाय बायदिद्यै गुबुन राइज्योफोराव गान्जाखौ आयेन बायदिद्यै फान्नासिनो दड। गवानि आयेन मन्थि नीलेश केबरलआ बुडो थांखि बाइदिद्यै मुलि बानायनो थाखाय गान्जानि आबाद खालामनायनि गनायथि होनो हारिसगौ, जाहाथे मुलि कम्पानीफोरा। मिथिं गायारि मुलिखौ फान्नो हायो। आयेन मन्थिआ बुंनाय बायदिब्ला बे



थांखियाव जेबो जेना गैया। बिथाडा दावि दैखानों, 1985 आव नार्कटिक्स ड्रग्स एन्ड साइकट्रपिक साब्सटे सने मखांथिखौ फोसावनायनि सिगां गवायाव गान्जाखौ आयेनारि गनायथि होदोंमोन। आमेरिका सरकारनि लविनि जाहोनाव एनडिपिएस एक्टखौ भारतआव दिन्थिनाय जादोंमोन। जायनि उनाव मुलिनि फार्से बारसिन्नाय जागासिनो दड। बेराफासँ, गवायाव बेरेखा दोलोया बे आयदानि सायाव खुंथायाव थानाय पाटिनि सायाव नोजोर खोखैदों। बेनि सोमोन्दे गवा फखाईनि गहाय आरो आगुनि लेडइ गिबि मन्थि बिजइ सरदेसाइआ सौथि दिखानानै बुंदों बेजों गवानि लाइमोनफोरा मा मुलाम्फा जागोन? मा बेयो नोंथामोननि इयुननि थाखाय गोनां? बेनि सायाव मन्थिआ बुंफिन्दों, जेबायदिद्यै जौखौ फानदों, बेबायदिनो गान्जाखौ भारतनि माखासे राइज्योफोराव लाइसेन्स मोन्नाय दकानफोराव फान्नाय सोलिगासिनो दड।

## 13 नाम्बारनिफ्राय साफ्रोमबो गोजान जायो


गोदान दिल्ली, 30 डिसेम्बर : 13 नाम्बारनिफ्राय साफ्रोमबो गोजान जानाय नुनो मोनो। मुलुगनाडे 1 नाम्बारखौ आनलाखि मानियो। भारतआवबो 13 नाम्बारखौ गिनाय नुनो मोनो। चन्डीगडआव 13 नाम्बारनि जेबो सेक्टर गैया। फार्सेथि रावबो क्रिकेटआर 13 नाम्बारनि जारिखौ गाना। माखासे सुबुंफोर 13 नाम्बारखौ खुगायावनो जाबोनो साना। मख'नो गोनादि, सोनाब हादतफोराव 13 नाम्बारखौ गोबां गिनाय नुनो मोनो। 13 नाम्बारनि सोमोन्दे मोनथियोब्ला नोंथाडाबो गिनो हागौ। रिपर्टनि बायदिब्ला सानसेखालि इसामसीह (जेसास

क्राइस्ट)जों लोगोसे सासे सुबुंआ गिदिरि फोथाय जाथावे हाबाफारि मावदोंमोन। बै सुबुंआ 13 नाम्बारनि मासिआव जिरायनानै इसा मसीहजों लोगोसेनो जाग्रा आदार जादोंमोन। बै समनिफ्रायनो सुबुंफोरा 13 नाम्बारखौ आनलाखि मानियो जागायदोंमोन आरो बेनिफ्राय गोजान जादों। लासे लासे 13 नाम्बारखौ गिनाया मुलुगनाडे गोसाराहोंदों। सानखानो हाग्राया 13 नाम्बारनि बे गिनायखौ इस्काइडेका फबिया एबा थार्टिन् डिजिन्ड फबिया मुं दोन्दों। जुदि नोंथाडा गुबुन हादतआव बेरयनो थाडेब्ला नोंथाडा जायथि जाया हटेलआव 13 नाम्बारनि

खथाखौ मोनाय नड। लोगोसेनो मावेबा बिल्डिआव 13 थि थालाबो थाया। बेनि अनगायै मावेबा हटेलआव 13 नाम्बारनि टेबलबो नुनो मोन्नाय नड। भारतनि सुबुंफोरबो 13 नाम्बारखौ गोबां आनलाखि मानियो। भारतआवबो माखासे बिल्डिफोरब 13 नाम्बारनि फरखौ मोना। फार्सेथि सिमानि सहरनि मुजों मुंदांखा जानाय चन्डीगडआव सेक्टर 13 गैया। जाय आर्किटेक्ट आ चन्डीगडनि डिजाइन्खौ बानायदोंमोन, बियो गुबुन हादतनिफ्राय फेदोंमोन आरो 13 नाम्बारखौ आनलाखि मानिदोंमोन।

## अलिम्पिक गेम्सनि थाखाय भारतनि रेस्टलिं गेलेगिरिफोरा गेलेनो थियारि

गोदान दिल्ली, 30 डिसेम्बर: फेगौ बोसोरनि जुलाइ दानाव खुजानो गोनां टकिय अलिम्पिक गेम्सनि थाखाय भारतनि माखासे रेस्टलिं गेलेगिरिफोरा क्वालिफाइड जानानै दड। गार्से सा 4 रेस्टलिं गेलेगिरिफोरनि गेजेरव सा 3 आ हौवा आरो सासेआ हिन्जाव गेलेगिरि। बेजों लोगोसे बिसोरनि आखायाव एसियानि क्वालिफायर, वर्ल्ड क्वालिफिकेसन टुर्नामेन्टनिफ्राय क्वालिफाइड जानो हानायनि मोजां खाबु दड। रेस्टलिंआव दासिम मोनसे रुपानि मेडेल आरो मोन 4 ब्रन्जनि मेडेलखौ देरहानो हानायव जाफूसारदों। दासान्दि भारतनि रेस्टलिं गेलेगिरिफोरा गुबुन हादतनि गोहोगोरो रेस्टलिं



गेलेगिरिफोरनि हेँथायै सांग्राथि होनो थाखाय आमेरिका आरो इरुप हादतआव प्रेक्टिस खालामनायखौ सोलिहोगासिनो दड। भारतनि गेलेनायाव थानाय 2019 नि वर्ल्ड सेम्पियनसिफयाव ब्रन्जनि मेडेल देरहानो हानानै अलिम्पिक गेम्सनि थाखाय क्वालिफाइड जानो हायो। बेनि अनगायैबो सेम्पियनसिफयाव सनानि मेडेल देरहानो हानानै मुलुगनि सेथि रेस्टलिं गेलेगिरि जानो हायो। दासान्दि बज्र पुनियाआ आमेरिकायाव ट्रेनिं लागासिनो दं। बेजों लोगोसेनो बिनेस पागवातआबो 53 के:जिन गेलेनायाव फेगौ अलिम्पिक गेम्सनि क्वालिफाइड जानो हानाय हादतनि गिबि आइजो गेलेगिरि जानानै दं। बिथाडा 2019 नि वर्ल्ड सेम्पियनसिफयाव ब्रन्जनि मेडेलखौ देरहानो हानायनि अनगायैबो हादतआव खुजानाय एसियानि सेम्पियनसिफयावबो ब्रन्जनि मेडेलखौ देरहानो हानायव जाफूसारदों। बिनेस पागवातआ थानाय आगस्ट दानाव कभिडजों सन्देर जानानै गावनि प्रेक्टिस खालामनायखौ दोन्थे नो गोनां जादोंमोन आरो फेगौ 24 जानुवारीनिफ्राय 5 फेब्रुवारीसिम पलेन्डआव ट्रेनिं लानो थांखि लादों।



सोलोँथाय बिफान  
आसाम सरकार

## आसाम सरकारनि सोलोँथाय बिफाना फोसावनाय बादियै 1 जानुवारि 2021 निफ्राय फरायसालिफोरखौ खुलिनायनि बाथाखौ सान्नायै थि मान आरो सोलिहोनायनि हाबाखौ (SOP) दाफुनायै गाहायाव होनाय बिथोनफोरखौ बयबो मिबथिनाय बादियै फोसावनाय जाबाय ।

- फरायसालि/फरायसालिमाफोरनि थाखाय थि खालामनाय मान एबा सोलिहोनाय हाबा ( SOP ) नि बिथोनफोर:
  - ⇒ राइज्योनि गाहाय थाखोनि गुदि फरायसालिफोरा ( गिबि थाखोनिफ्राय 5 थाखोसिम ) फैगौ 1 जानुवारि 2021 अक्टनिफ्राय फारियै सोलिलांगोन ।
  - ⇒ 5 बोसोरनि गाहाइनि फरायसुला-फरायसुलिफोरा फरायसालियाव नुजाफैनो हानाय नड ।
  - ⇒ थि खालामनाय मान एबा सोलिहोनाय हाबाया ( SOP ) गावआरि सोलोँथाय फसंथान आरो फोरोंथाय फसंथानफोरनि थाखायबो बाहायजागोन ।
  - ⇒ ब्रैथि थाखो आरो बा थि थाखोनि फोरोंनाया मोनफ्रोम समबार, बुधबार आरो शुक्रबारआव खुंजागोन ।
  - ⇒ थाखो से, थाखो नै आरो थाखो थाम थाखोनि फराफारि फोरोंनाया मोनफ्रोम मंगलबार, बृहस्पतिबार आरो शनिबारआव खुंजागोन ।
  - ⇒ गिबि थाखोनिफ्राय बा थाखोसिम फरायफारि फोरोंनाया फुबिलि 9-00 बाजिनिफ्राय 1-45 सिम खुंनाय जागोन । बेनि गेजेराव सानजौफुनि आदार जानाय समा 12-15 निफ्राय 12-45 सिम सरजाबफागोन ।
  - ⇒ गाहाइ गुदि फरायसालिनि बेलायाव फरायसा बादा/फरायसुलि बादाफोरा फैगौ समसिम फोसावथाय होयागौमानि बन्ध थागोन ।
  - ⇒ गुदि फरायसालिनि फरायसुला-फरायसुलिनि नुजाथिफैनाया गोनांथार नड । बेयो थारलायै नख 'र गाहायफोरनि सायाव सोनारगोन ।
  - ⇒ गोजौ-गुदि, गोजौ फरायसालि आरो गोजौसिन गेजेरारि फरायसालि ( सरकारि आरो बेसरकारि )फोरा फारियैनो गासैबो हाबा सान बादियैनो सोलिबाय थागोन ।
  - ⇒ खालिबोल' जोबथा बोसोरनि फरायसुला-फरायसुलिफोरनि अनगायै फरायसा बादा/फरायसुलि बादाफोरा बन्ध थागोन ।
  - ⇒ गोजौ-गुदि फरायसालि, गोजौ-गेजेरारि आरो गोजौसिन गेजेरारि फरायसालिनि फरायसुला-फरायसुलिफोरनि थाखाय नुजाथिफैनाया गोनांथार जाया । बेयो नख 'र गाहायफोरनि सायावनो आबुडै सोनारगोन ।
  - ⇒ थोंजोडै फरायफारि फोरोंनायनि अनगायैबो अनलाइननि हेफाजाबै सोलोँथाय होनाय हाबाया गोनांथि बादियैसो सोलिबाय थागोन ।
  - ⇒ थोंजोडै, खेंसालियायै मोनबो रोखोमनि मेल, हारिमुवारि हाबाफारि बादि फरायसालिनि लांगोनायाव खुंनायखौ गनायथि होनाय जाया ।
  - ⇒ गाहाइ, गुदि फरायसुलिनि फोरोंगिरि-फोरोंगिरिजो, फोरोंगिरि नडै मावफारिया आरो सानजौफुनि आदार संग्रा आरो हेफाजाब होग्राफोरा फरायसालि खुलिनायनि सिगां आर.ए.टि. टेस्ट खालामनांगोन ।
  - ⇒ फोरोंगिरि-फोरोंगिरिजो, फोरोंगिरि नडै मावफारिया आरो सानजौफुनि आदार संग्रा आरो हेफाजाब होग्राफोरा मोनफ्रोम 30 साननि उनाव कभिड आन्जाद खालामनाया गोनांथार जागोन ।
  - ⇒ फरायसालिमा, कारिकरि फसंथान, फोरोंगिरि फोरोंथाय फरायसालिमा, मुलुगसोलोंसालिफोराबो समफारि बादियै सोलोँथाय फान्जामुथि, इउ. जि. सि./ए.आइ. सि. टि. इ.नि बिथोन बादियै सोलिलांबाय थागोन ।
  - ⇒ फरायसालिजों लोगोसे सोमोन्दो थानाय नांजाबफा बिबानगिरि/फरायसालि गाहायआ फरायफारि फोरोंनायनि समफारि, सानजौफुनि आदार राननाय, कभिड-19 महामारिनि रैखाथियारि राहा फालिनायनि नेमखान्थिफोरखौ नायफामगोन । जायफोर फरायसुला-फरायसुलिआ फरायसालियाव नुजाफैनो हायाखै बिसोरनि फुड सिकिउरिटि एलाउन्सखौ थि नेमखान्थि बादियै गथायनांगोन ।
  - ⇒ मोनफ्रोमबो सप्ताहनि रबिबारआव फरायसालि/सोलोंथाय फसंथानफोरखौ सेनिटाइज खालामनाया गोनांथार जागोन ।
  - ⇒ जिल्लानि जिल्ला बेंगिरि, जिल्ला गुदि सोलोँथाय बिबानगिरि, फरायसालिफोरनि नायसंगिरि, खोन्दो गुदि सोलोँथाय बिबानगिरिनि हेफाजाबाव फरायसालिफोरखौ सेनिटाज खालामनाया गोनांथार ।
  - ⇒ कभिड-19जों सोमोन्दो थानाय सांग्राथियारिखौ लानानै मोनफ्रोम रबिबारआव सोलोँथाय फसंथाननि गाहाय, गावबुरा, नख 'र गाहाय, बेसरकारि आफादनि गेजेराव कभिड-19नि सांग्रांथि, समाजारि जान्थाय, देहा आरो साखोन-सिखोन लाखिनाय, यगा, ध्यान बायदिसिना आयदानि सायाव सांग्रांथियारि मेल खुंनांगोन ।
  - ⇒ कन्टेइनमेन्ट ओन्सोलाव थानाय फरायसालिफोरा उननि फोसावै समसिमहालागै बन्ध थागोन ।
  - ⇒ फरायसुला-फरायसुलि एबा फोरोंगिरि-फोरोंगिरिजोफोरनि गेजेराव मास्क हाबायनाय, सेनिटाइजेसन, बाडइबो 6 फुट गोजान गोजान थालायनाया गोनांथार जागोन ।
  - ⇒ जुदि सोरबा फरायसुला-फरायसुलि एबा फोरोंगिरि-फोरोंगिरिजोआ कभिड पजिटिभ जायो अब्ला जिल्ला खुंथाय आरो फरायसालि सामलाय आफादनि जुथाय मदतजों गासैबो फरायसुला-फरायसुलि आरो फोरोंगिरि-फोरोंगिरिजोफोरनि फिन कभिड आन्जाद खालामनाया गोनांथार जागोन ।
  - ⇒ जुदि सोरबा फोरोंगिरि-फोरोंगिरिजो एबा फरायसुला-फरायसुलिआ क्वाराइन्टाइन खालामजानानै फैफिनोब्ला बिसोरि मेडिकेल फिटनेस सार्टिफिकेट जमा होनांगौखौ मावथारनांगोन ।
  - ⇒ जुदि बबेबा फरायसालियाव गोबांथार सुबुंफोरा कभिड पजिटिभ बेरामि मोनोब्ला, अब्ला फरायसालिखौ 7 साननि थाखाय बन्ध लाखिनायजों लोगोसे जिल्ला खुंथायनि गनायथि लानानैसो खुलिफिननो हागोन आरो फसंथानखौ फिन थारलायैनो सेनिटाइज खालामथारनांगोन ।
  - ⇒ थाखो ख'था, खिखरसालि आरो फरायसालि लांगोनाखौ अरायसम साखोन-सिखोन आरो बिजानु गैयै स्रां खालामनायै लाखिनांगोन ।
  - ⇒ आखाय सुनायनि थाखाय साबोन आरो दैनि राहाबो थानांगोन ।
  - ⇒ थाखो ख'था, सानजौफुनि आदार जाग्रा ख'था बायदियाव समाजारि जान्थायखौ मानिनानै सोलिनांगोन ।
  - ⇒ थार्म स्केनरनि हेफाजाबै साफ्रोमबो फोरोंगिरि-फोरोंगिरिजो एबा फरायसुला-फरायसुलिफोरनि देहानि बिदुंखौ सुनानै नायनांगोन ।
  - ⇒ लोमजानाय, गुजुनाय एबा जायखि-जाया रोखोमनि देहानि लोमजालुनाय नुयोब्ला गोखैनो खाथिनि देहा मिरुजों जगाजग खालामनांगोन ।
  - ⇒ फरायसालिनि बासफोराव से बाहागोनि थाम जौखोन्दो फरायसुला-फरायसुलिफोरखौल' लाबोनो मोनगोन । लोगोसे सानफ्रोमबो खेबनै बासफोरखौ सेनिटाइज खालामथारनांगोन ।
  - ⇒ जुदि बबेबा सोलोँथाय फसंथानाव दै जगायनायनि राहा गैयाब्ला, अब्ला बे फसंथानआ 1 जानुवारि 2021 आव खुलिथारनांगौनि गोनांथि जानाय नड । जिल्ला खुंथायनि गनायथि लानानैसो बे रोखोम फसंथानफोरखौ खुलिनो हागोन ।
  - ⇒ जिल्ला बेंगिरिखौ आफादगिरि एबा जिल्लानि नांजाबफा बिफानफोरनि गाहाय बिबानगिरिफोरखौ सोद्रोमा हिसाबै लानानै जिल्ला थाखोनि तास्क फर्स दाफुनाय जागोन ।
  - ⇒ नख 'र गाहायनि गनायथिलाइखौ फरायसुला-फरायसुलिफोरा फरायसालि/फरायसालिमाफोराव जमा होनांगोन ।

➤ गोजौनि थि खालामनाय मान एबा सोलिहोनाय हाबा (SOP)नि बिथोनफोरखौ [www.ssa.assam.gov.in](http://www.ssa.assam.gov.in) आव मोनफुंगोन ।

सोलोंथाय बिफान, आसाम सरकार  
दिसपुर, गुवाहाटी -6